









عنه

٥٠



T.C.  
Eğitim Bakanlığı  
Kültür Varlıkları  
Yürütme Kurulu  
Sayı: \_\_\_\_\_



F09







### بسم الله الرحمن الرحيم وليست بعين

حمد و ثنا و شكر بى انتها اول مالك الملك و الملكوت  
صاحب الكبرياء و الجبروت تقدس و تعالى درگاهنه  
مشايد دركه تدبير نظام عالم و تنظيم امور بنى آدم انك ارادت  
عليه سنه منوط و تعديل و تسويه احوال ام مشيت  
ازليه سنه موقوف و مربوط در و درود بنى پايان اول پيغمبر  
آخر زمان دولتيه اهل ايمان جنبه شايسته دركه  
قانون سياست شرع مبينى اصلاح مزاج دولته سند كافي  
طب نبويسى اولان سنن سنه سى صحيح قواى قواعد دين  
وملته دواى واقيدر و ترضيه و تعظيم آل و اصحاب نصفت  
نصابه لا يقدر كه مسلك حيت انصاف برينه سلوك تقوم كارگاه  
ملكه دستور ايدى و آثار ميمت احتوا رينه تمسك تمشيت

امور جمهورده مدسرمدى اولق حقيقدر اما بعد  
بوكليل اللسان عبد عاجز قليل الاستطاعه بنده ناچير  
المحتاج الى رحمة ربه العزيز بازار جوهر يانده سزاوار خريدن  
و فروختن اوله حق تقدردن خالى و اتحاف دليران ميدان  
عرفانه شايسته تحفه دن عارى همان سطوت سلطنت  
متهن شاه كشور آراى وصولت دبد به مكارم دستگاه  
خسروانى برله فخر و مباهات مقصد اعلا و مطلب اقصى  
مور مقدار لرى اولوب ظل ظليل جناح حمايه وسايه  
سايبان صيانت پادشاهانه لرنه غدر اصحاب شر و شوردن  
و تطاول دست اصحاب اغراض و شقادن آسوده و غنوده  
اولدوغم نعمت جليله نك شكر و نشرى فريضة ذمت  
واجب الادعاء و قيام عمر و دولت و دوام شان و شوكت لرى  
دعواتى فى النهار و الليالى واجب العهد لازم الاشتغال ايدوكن  
امعان و ادراك ايله زاويه عزلتى منروى و كوشه وحدتده  
منطوى فراغ عالم حسب عالم اولمشيكن ناكاه هجوم لشكر  
جراروبى شمار افكار ايله ملك وجودنا توان لرزان و نارغم و الم و  
اكد ايله پوته دل و درون سوزان و هيچان اولوب تاريخ هجرت  
تبويه عليه اكل الخيه بيك يوز قرق اويح ساله و سال مطلع  
آفتاب دولت روز افزون عثماني دورتيوز قرق دورده بالغ



اولد قل سنة مر قومه نك ايام پر ملالى خلالند پي دري  
بود دولت عليه ده وقوع بولان فتنه اسبابي تفكرند و بوحكم  
خفيه على تفره سنه و حقيقت مالى ادر اكنه عقل ناتوان  
پچ و تاب واضطر ابله دي مجور حيرند عاجز قابوب و كلاه  
دولت و ارگان و اعيان ديوانك قانون سياستند قصور و امور  
مهامه همتند فتور و حل و عقد مبهمات مملكتند نكاسل  
و تهاون و هر حاله بصيرت و احتياط لازمه حال ايك مساحه  
و غفلت نرينه حمل ايله جان و دلدن نأسف و كاه بر موجب  
عادت الهيه و مقتضاي طبيعت كونه و اقتضاي تمدن  
بشرية نظام عالمه خلال و انتظام احوال بني آدمه ذلال  
ظهورى مقرر اولوب بود دولت عليه مزاجند علایم انحراف  
و طبيعت و قواسند آثار انقلاب و علت ضعف طريان ابله  
احتمالی تشويشى و اندیشه سيله متلون و احوال اناام  
مغايرت و طبایع ناسد فساد ميل و رغبت غالب كورنگله  
متكدر و كاه فن محاسراته مراجعت و كتب توارىحه مسارعت  
بر له ام اقدمين و سلاطين و ملوك پيشين احوالى فى الجملة  
منبع اولند قده ميان دول اسلاميانه با تقدير ملك القدير  
وقوع بولان تبدلات و تغيرات و اختلافات و اختلافات  
مرا و كرا را تجدد احكام دين و دولت و تقويه بازوى

سلطنت

سلطنت و تحكيم بنيان قواعد شريعت و تنظيم امور  
ملك و ملت و ترفيه احوال رعيت و احياى سنن سنیه نبويه  
وسيله اولد و غي معنای مسرت ارتسامه دخی ظفر میسر  
و اطلاع مقدر اولمغه ملك دل ویران بر مقدار باران سکونت  
و ارام ايله تازه عمارت بولوب با خصوص سبب امن و امان  
خليفه زمین و زمان پناه اهل ایمان شوکتلو و كرامتلو  
پادشاه آل عثمان السلطان ابن السلطان سلطان محمود خان  
بن سلطان مصطفى خان بن سلطان محمد خان ولی نعمت  
ورأفتلو و مروتلو و افتدیز ابد الله دولته و اید سلطانه و اعز  
انصان و دمر اعدائه حضرت تاريك عون و عنايت جناب  
و اهب مطلق و فیض فیاض على الاطلاق ايله مطامع خلافت  
دائم القرائی و دبیاجه سلطنت ابدی الاستمراری قهر و قد میر  
اهل بی و طغیان و ازاله حار و حاشاك ارباب فساد و شقایه  
مصروف اولان همت رستمخانه لريله معنون اولمق امر  
جليل الشانك تأیيدات بنیان دین و دولت علایمندن نشأ  
و تجدد و تشید قوای بخت سلطنتدن نمونه اولمق امیديله  
مهما امکن خاطر فائری جمع و كتب توارىخ مفادی دلائيله  
و ام سالفه سرکذشتلری ارشاديله قدیم الايامدن برو  
سلاطين و ملوك مملكتند ظاهرده و معنانه حدوث



قتنه یه بادی خدال و تغیر احوال ناسه مؤدی ذلل وسد  
باب فساد و تجدید قواعد نظامه موصل و نأ یید بنیان  
انتظامه متو اصل اسباب و علل خاطر حقیر ه لایج و صدر  
قاصر الدرکه شرح و ساینخ اولدوغی مرتبه ایما و اشکارت  
با خصوص طوایف نصاری بر ملت پر نکبت و اهالی  
اسلامه نسبت قلت و طینت و جبلیت و ضعف و حقارت  
اوزن ایکن برمدتن برو عالمه انتشار ایله نیچه نیچه ممالکه  
استیلا و دولت علیه قاهره عثمانیه عسکرینه دخی صورت  
قلبه ده کورند کلربنه دخی باعث و بادی حالات و اسباب  
و علل و آلات نه اید و کنی فهم و ادراک و بوحکمت غریبه یه  
انتقال و اطلاعه دامن غیرت عاجزانه میان سعی  
واجتهاده بنده و انکشت تحیر دندان تفکر نهاده قلوب  
به کونه آرزو و استیاقه شاهد دلارام مرام و قوف و اطلاع  
منصبه مقصودده جلوه کرور و نما اولور امنیه سیله لسان  
لائین ایله آشنالقی تقریبیله عهد بعید و زمان مدید طوایف  
مرقومه نک کاه تاریخ کابری و کاه ترتیب و تنظیم عسکرلرینی  
جامع دواوین قانونلری و کاه حرب و قتاله متعلق امور  
همامرینی حاوی مجلد اثری نظرو مطالعه و کاه اجناس مختلفه  
فاسدن ارباب معارف و اصحاب و قوف امور دپد کار از موده

عقلا و حکما و اجناس ضابطان لشکرانیله طریق مدارا  
مراعات اولنوب مکالمه و موارد و بونضاحه نک مأخذند  
صفلیت زمین و جابه اعتراض اولنوب درو کوهر صاند و غم  
اصداف و اجارنه پرده بولنسه اختیار اولنوب اخذ  
و حوصله عاجزانه ده حرز و حفظ اولنوردی بالاخره  
تازیانه غیرت سمند همت عاجزانه بی سوق ایدوب مال  
مفاد مطالعه و معنای مستفاد محاوره ناخیس و تنقیح  
اولنوب بوجمله دن مختار و منتخب اصول حکمدن و آرای  
مأمول الرزانه و اقوال ملحوظ الاصابه دن نظام عالمه و انتظام  
امور انامه و قیام و دوام بنیان دولته دائرلدی الاصحاب محرب  
و مشهور و عند العقلا مسلم و معهود و متفق علیه معتمد الیه  
بر قاج ماده بی حاوی ابواب و فصول تحریرینه مبادرت  
و بر مجله تسویدینه مسارعت اولنوب ایام سلطنت میمنت  
مقرونلرند مأمول الحصول مصنفات عدیده نک اولی  
اولغله یتیمنا و تفألاً نامنه اصول الحکم فی نظام الامم دینلدی  
بعد الا تمام خاکبای بلبد اقتدار شهر یاری مکارم دستکاه  
کستخانه احضار و اتخافه اجناسار اولنوب عین عنایتلرله  
منظوریولق موجودر اولاکه اعیان اصحاب دیوان و ارباب  
ایوان سلطانه مال و مفادندن استفاده میسر و مفهونه







عمل مقدار اولوب عنایت حق ایله عالمه اثار و ثمراتی باهر  
 و انواع خیر و برکاتی ظهور ایلیه امین باب اول عسکرده  
 وجوب نظام و حسن نظامدن تولد ایدن منافع بیاتنه در  
 باب ثانی اجمالاً فن جغرافیا منافی بیاتنه در بعد هذین  
 اعدای دین و دولت اولان کفار دوزخ قرارک احوال  
 و اطوارینه و وقوف و اطلاع بهر حال لازمه ذمت علو همت  
 و عند اصحاب البصائر و التجربه اهم مهام مشتمله و الزم لوازم  
 مطارده بلکه اوضح وسائل غلبه اولغله باب ثالث اولق  
 اوزن ملوک نصاری لشکر لرینک اصنافی و طرز و طور  
 و ترتیبی و حضور و سفرد و قتال و جدال و اعتیاد ایلد کلری  
 قوانین و مراسم حریبه لری بیان اولنوب مواد مرقومه نک  
 هر برنده نیچه نیچه فصول ایراد و عمد مرامه و وصوله بسط  
 مقدمه قلندی فصل اول در بیان لزوم الملوك و السلاطین  
 و وجوب وجود الحکام بین الانام بر مقتضای حکمت طبیعییه  
 تمهید علوم هیئت راسخلری و استار حکمتک کاشف لری  
 براهین هندسیه ایله کشف و تحقیق ایدوب عنصر تراب  
 و مادن عبارت اولان دنیا برمدور طوب مشکند ایدوکن  
 تعیین و غربه توجه ایله شرق دن کل سفینه لر بو معنای  
 بالمشاهد تأیید و تمامادور ارض طولاً و عرضاً سیر معتدل

۵  
 ایله بیک سکسن قوناق مسافه اولدوغن مساحه ایله  
 تعیین و طوب زمینک فوق و تحق حقیقتنه متعین اولیوب  
 جو هواده معلق هر طرفدن قرنجه اوشمش اوتور شمش  
 قاریوز مثالو کره ارضک هر جانبی ذرازی نوع انسانه مسکن  
 و انبای بشر ایله مالا مال اولدوغین تحقیق ایتدیلر بعض  
 کتب اخلاق و حکمه سلاک سطور کشیده قلندی سیاق  
 و سباق اوزن چون اول قهرمان قدرت یزدانی بو گونه  
 صورت بدیعه ده کمال قدرتین اظهار ایتک مراد ایلدی  
 مقتضای حکمت لم یزلی جماعت افراد انسانی اماج نیر  
 احتیاج و هدی سهم درد و بلا قلوب اجل مسمی بقاسنه  
 دخی تعلق و بالطبع ذواتلرند مدیت مرکوز قانغله فلا جرم  
 طالب اجتماع و هر بری بر جهته آخره محتاج تدبیر و پیشگیری  
 بی معاونت محال و بقای شخص و نوعی لری بی مخالطت  
 و مشارکت تمتنع و هر جهته محتاج اختلاط و اجتماع اولدیلر  
 و لکن اختلاف مشارب و ثباین آیین و مذاهب اولملریله  
 بعضی بعضنه زور و قوت سببیله و مال و مکنّت حسبیله  
 غالب و هر آینه غالب مغلوبی ربه اطاعت چکمه  
 طالب و اکثر حاصلات غیری بی حوزه تصرفه کتورمکه  
 راغب و کندویه لایق امور بدن غافل و متابعت هوا



و مطاوعت نفس و و غایه مائل اولوب اشکال عناد و انتراع  
هره ق نزاع و ارتفاع فساد ایچون افراد انسان میانده خلاصه  
علم حکمت و تقاوه دانش و معرفت اربابی حاکم و سائیسار  
لابد درکه ماهر حکمت عملیه اولوب مداری سیاست اولان  
رعایت قانون عدالت و رغبت لیله هر فردك اخردن دست  
درازین کوتاه و تصرف ماعدادن بد تعدیسن ممنوع قلوب  
کند و حقنه راضی و قانع قلازلر و بوتانونك معینی و بوتد بیرك  
مبینی بر فرد کامل و موید و فرستاده حضرت عزت درکه  
حکمای کترین اکا ناموس اکبر و علمای دین رسول و پیغمبر  
دیرلر و قانون اوامر و نواهی که فی الحقیقه صابون دنس  
معامی و مناهیدر مصلح احوال عالم و معدل هواء بنی آدمدر  
و اول واضح قوانین شریعت مطهره اولان پیغمبر دارالملک  
آخرته عزیمت بیورد قدر اجرای قواعد دین و اصلاح امور  
مسلمین ایچون فلا جرم بر حاکم عادل و قاهر لازمدر که مراسم  
اوامر و نواهی پیغمبری محافظه ایدوب قوانین سیاسته  
کما ینبی رعایت قلنه تاکه هم فرق ملت افسر دولت ایله  
سرفراز و هم لباس سلطنت طراز اعزاز شریعت ایله مطرز  
اوله که الدین و الملک توأمان فعلی هذا وقتا که اقتضای تقدیر  
ربانی نوع انسانی الی اجل مسمی بقاسنه تعلق ایدوب امر

۶  
معاشنه دخی غیری مستقل بلکه مدنی بالطبع اولوب انشاء  
جنسی ایله معاوضه و معامله یه محتاج اولدی ایسه کنجور  
خزانة قدرت مشفقہ لعباده الضعفاء کاه پیغمبر  
و کاه رسول و کاه انلره خلیفه اولور حاکم قاهر و عادل  
ارسال و تعیین برله تنفیذ احکام شریعت غرا و تنظیم امور  
ضعفاده عادتین بوجه اوزن اجرا و حکمت باهره سپین  
بوصورنده دخی اظهار ایتیمک مراد ایدوب روی زمینده موجود  
طوایف متعدده و اجناس متنوعه و امم کثیره بوتانون  
حکمت استماله بالطبع میل و رغبت و بواقضاء تقدیرلر یزله  
خواه ناخواه تسامی کردن اطاعت ایله فوج فوج موج موج  
اجتماع و اتحاد مسارعت و هر جماعت بر ملکه تابع و امرینه  
منقاد و مطیع و نهیبیله منهی و نظام و انتظام امور رنده رای و  
تدبیرلرینه تابع اولوب بوسیاق و سباق اوزن تداین  
و اجتماع برله وجه ارض ده دلالت شرع و عقلیله بیچه بیچه  
دولتلر قوردیلر و خلفا و سلاطین و ملوک و خواقین  
و اکاسره و جواسر و سائر نام و شان و عنوانیله بی شمار  
حاکم تعیین ایتدیلر فصل ثانی در بیان ارای حکمائی تأسیس  
قواعد الدول ضمیر منیر او بیان اخبار و ناقلان حوادث و آثار  
روشن و اشکار درکه سلاطین و ملوک عالم و حکام بنی آدم



ادیان و مذاهب و آیین و مشارب جهتیه مباینت و اختلاف  
 اوزن اولوب مراتب اعتباریه لری دخی تفاوت اوزن قالبوب  
 ضبط وربط و فتق و رنق امور ناس طرز و طور اخره افراغ  
 ایله بنیان دولت و بناء جمهور جمعیتلری دخی بری برلینه متغیر  
 و متباین اساس ایله تأسیس اولمشدر و بویابده جمهور حکما  
 اقوالی اوچ حکیم عظیم الشانک رأی و تدبیرلرینه راجعدر  
 اولامذهب افلاطوندر و اول دیمشدر که خلق بر عاقل و عادل  
 پادشاهه بیعت و اطاعت ایدوب تابع اولق کرک و بالجمله امور  
 دولتلرینی انک رأی و تدبیرلرینه تفویض و سپارش ایله  
 یدینه استقلال و یروب حکمنه راضی اولق کرکدر  
 و بومقوله دولت و سلطنت لسان حکماء یونان و لاتینده  
 مونارخیانا میله شهرت بولوب اکثر سلاطین روی زمین  
 بورأی اوزن واقع اولمشدر و بوضوئیه نسب عالی اولق  
 مدوح و معتبر در ثانیامذهب ارسططالیس در و اول دیمشدر که  
 سلطنت تدبیری اعیان دولت النده اولق کرکدر بوسیاق  
 اوزن که ایچلرند بری جمله یه رئیس اختیار اولنوب غیر یار  
 تدبیر و مشورته مشترک قلنه تا که برکسنه حسب و نسب  
 تعظم و نفرد ایدوب مستقل اولغله قانون عدلدن عدول  
 محذوری لازم کلیه و بونوع دولته لسان حکماء

ارسطو قراسیاسیه ایدر لر قراسیاسی الفظی حکمت معنا سنه  
 عامه تدبیر اعیان دیر لر حالا و ندیک دولتی بوقاعده اوزن در  
 ثالثا دیمو قراطیسدر و اول دیمشدر که سلطنت تدبیری  
 رعایانک اولق کرکدر تا که کند ولرندن ظلمتی دفعه قادر اوله لر  
 و بوضوئیه طریق تدبیر اختیاردر مثلا هراون قریه خلقی  
 ایچلرندن برر اپکیشر عاقل و مدبر ظن ایلد کیری آدمی انتخاب  
 و اختیار ایدوب و محل حکومت اولوب دیوان قوریلن یره  
 کوندن لر انلردن اون قریه خلقی مختار لری دخی ایچلرندن برر  
 آدمی انتخاب و اختیار ایدو لر و اون جمله نیک مختاری اون آدم  
 جمله سی بواون شخصک تدبیرلرینی قبولده اتفاق ایش اولور  
 اون کسنه برسنه دیوانده او تور و ب حل و عقد امورینی  
 کون لر سنه آتیه ده اسلوب سابق اوزن اون کسنه دخی اول  
 اختیار اولنوب سنه سابقه حکومت مغروللرینک  
 محاسبه سنی کون لر غدیری ظهور ایدنک حقندن کلنه بو  
 اسلوب اوزن اولان دولته دیمو قراسیاسی دیر لر یعنی دیمو  
 قراطیس رأینه منسوب حکومتدر عامه تدبیر محارین دیر لر  
 حالا فلینک و انکدر دولتلری بوقاعده اوزن در و بودکر اولنن  
 قواعد ثلثه سائر ملل و ادیان ملوکند عموم اوزن جریان ایدر  
 فصول ثالث در بیان احتیاج الدول فی بیان احکام دولته



وبقاء نظام احوالهم الى ترتيب عساكرهم روی زمینده تحت  
نشین اولان ملوک و سلاطین و حکام وجه محرر اوزن  
مقتضای شریعت و حکمت و اقتضای طبیعت و مدنیت و  
یشریت ایله تعیین و تبیین و مقدور و مقدار لری مرتبه ده  
نیچه ممالک و بلاد و امصار لری حاوی بر قطعه ملک ید تصرف  
و دست استیلا لری نه عاید و راجع اولوب نیچه نیچه کشور  
تعیینی ایله نیچه نیچه دولت متعین اولدی حکام و متصرف لری  
دخی علی قدر مراتب اعتبار هم کی سلطان کی خاقان کی شهنشاه  
و کی پادشاه کی ملک کی قیصر و بر مقتضای السنه  
متنوعه القاب و اسماء کونا کون وضع و تعیینی ایله دفاتیر  
سیاسیه و منشور ریاسیه لری معلوم و معنون اولدی انجق  
افراد بشر ده طمع مرضی جبل و ملک دیکر انه تعدی  
و دست بطاول فساد لری ملوک و خواقین و سلاطین  
و حکام سائر نه اذنه دخی جاری اولوب هر فرد ملک و دولتی  
اخرک استیلا سندن محافظه یه محتاج اولغله لاجرم هر  
صاحب ملک و ملت و ممالک کشور و دولت کند و خلقندن  
ویا غیریدن حربه و ضربه قادر و پیکار ووغا یه مستعد بر  
کروه ناسی محافظه ملک و ملت و دفع دست بطاول عدوان  
و منع مداخله دیکران مصاحبتی ایچون انتخاب و افراز

ایدوب کند و سنه عسکر اتحاد و رسم و قانون حرب و قتال  
اوزن تنظیم و ترتیب و آلات حربله تجهیز ایدوب بو خصوصه  
جاری تقید تام بقای ملکه و قیام دوام دولته علت مستقله  
عدا و لینه کلمشدر بو حالدن غافل و بو گونه مهامدن عاقل  
و مسامحه یه جواز و یرنر لایحاله ملک و دولتدن ال یوبوب  
نکبت و ندامت حرمان و لم یفهمهم الندم مضمونه و اصل  
اولد قلمی مستغنی عن البیاندر فصل رابع در بیان احتیاج  
ملوک و سلاطین پشین فی افراغ جیشهم الی هیئت نوع ما  
و مراعات صوره مافی المقابله فن جلیل القدر تاریخ ایله  
شرفیاب اولان اصحاب استقصایه و سوداگران اثار  
روزگار و طالب اخبار اتم عالم اولان ارباب دفته خفی دکلدر که  
ابتدای ظهور نوع بشردن تا یوزمانه کلجه روی ارض ده میان  
اتم و مللده حروب و قتال و جنگ و جدال در کار و بو کون  
فساد عالمی سفک دما و تلف نفوسدن بر وقت و زمانه  
خالی اولیوب دول و ممالک بعضیلری واجناس ناسک  
نیچه لری مجرد جرم منافع دنیا و رفع مضرت دیکران سودا سیله  
امر خطیر کارزاری مرتکب اولمشدر در انجق ارباب ادیان  
و اصحاب ایمانن نیچه لری جانب شرعدن غر و جهاد ایله مأمور  
اولوب فی سبیل الله سعی و کوشش ایله احراز سعادت



دارین همیشه کارلری و بوفضیلت ضمنند بزل وجود ایلله  
تخصیل توشه آخرت دما دم فریضه ذمت پیشه لری  
اولشد رعل کلا التقدیرین حرب و ضربه صواش و جنگه  
متهی و مباشر اولان طوایف عسکر اجناس ناس میانده  
دفعالالتباس بر هیئته اقراغ اولمقد مضطر و بر شکل ایلله  
مشکل و جسم جیش بر کونه ترتیه مراعات ایلله و قانون  
و قاعد و غاوغوغایه تشبیه مجبور و محتاج لر در سلاطین  
و ملوک پیشین عسکرلری و جنگری نه هیئت ایلله متهی  
ونه صورت ایلله متصور اولد قلمی توارنج استنارینه و بوقن  
جلیل دانالرینه خفی و پوشیده دکادر فصل خامس در بیان  
هیئت جنود ملوک پیشین و صورت قتالهم پس امور ماضیه فی  
رهین و اتم سالغه نك علم و خبرینی متضمن اولان دواوین و دفائیر  
منطوقه سی دالات ایدر که ملوک سالغه نك عسکرلری ملوک  
زمانه عسکرلری کی اولیوب طور و طرز اخر ایلله معسکر  
اولور لردی مثلاً بش بیك اون بیك الی بیك یوز بیك و یاز یازده  
و نقصان افراد بشردن مرکب بر کروه ناس بریره جمع  
اولوب بر جسم اولور لردی بعد یمین و یسار و وسط اعتبار ایلله  
اوچ قول اولوب یعنی صاغ قول صول قول اورتی قول  
ایر لرینه متصل ایکی جناح ایلله بر جسد دن کنایه طیر باند

پرواز کی بر هیئت ایلله متهی و سواری و پیاده بری برندن ایرو  
جمع ایلله تجسد ایدوب سواری و پیاده کروهی باسقه  
باسقه طور و مبها ممکن اختلاط دن دخی تحاشی  
واجتناب اوزن اولور لردی صاغ قوله وصول قوله امور دیده  
کار از موده لسان عسکر ایلله اشنا اعتبار و رتبه جهت ایلله دخی  
عزیز قوم اولان رجال دن نافذ الکلام مد بر ضابطه تعیین  
اولنوب جناحین عسکرینک تدبیری اموری انلره سپارش  
اولد قد نصکره حال و مقامه کون امر و نهی اخبارینی افهام  
و نفهیمه و ایصال و تبلیغه قادر و اجناس عسکرلری و ضابطاتی  
تخصیصه مستعد و چایک و چالاک فرهنکر و چاوشلر دخی  
تعیین اولنوب جناحین مد بر لرینک معیت لرینه ضم و الحاق  
اولنور لردی و بونلردن غیر جناحینده موجود اولان افراد  
عسکریدن هر فرد یرنک قائم و ثابت پیش و پس و یمین  
ویسار حرکت و جولان ایلله نظامه خلل کلامک و یافران  
سییل بولماق ایچون عسکرک صف لرینی تصفیه و تعظیم و  
ترتیب امر مهمنه واقف و ساعی و مقدم و حرکت و سکرین لرینه  
و سرعت و بطو لرینه و همت و خواش و فتور لرینه و امداد  
و اعانتیه احتیاج و یاعدم احتیاج لرینه ناظر و عارف ضابطان  
دخی تعیین اولنوب جناحین مد بر لرینه بوطر قله تقویه



ویراردی بونلردن غیری جناحینان واقع عسکر طائفه سنک  
 جماعت جماعت ایچلرند اولق اوزن ضابطلری و سنجاقدار  
 و بیراقدار و معتادلرینه کور مألوف اولدقلری سائر صغار  
 و کبار ضابطلری علی مراتبهم متعین اولوب نفرات و ضابطان  
 مشخص و مفرز و متعین اولق لازمه طائلری اولمش ایدی  
 جنود جناحین بوهیئته افراغ اولندقله جسد جیش  
 مقامنده اولان وسط صاحب عسکر اولان ملک و یا سلطان  
 و یا پادشاه و یا انلرک سیمه سالاری و یا سر عسکری و یا وکیل  
 مطلق اولوب جمله نك مقتدی به سی اولان سردار  
 و سیمه سالار جای قیام و ارامگاه و محل قرارگاه اولوب اول  
 دخی قیو خلقی و اجناس عسکر دن زیاده سیله معتمد و معتبر  
 و مشکل و ملبس و مسلح وجود سردار حفظنده غیر نکش  
 و مال و جانیه او غورنده فدا اولغه دمکش صداقت  
 و استقامت پیشه بریاوک عسکر معیننه مخصص اولدقله  
 کندوسی و بوکروه مدوحی روح جمله جیش اولوب وسط  
 عسکرده ولکن امین محله قائم و رجال دولندن عاقل و مدبر  
 اموردیده کار از موده مجرب الامور حال عسکره و طرز و طور  
 جنگ و و غایه واقف نافذ کلام قوی القلب صداقت  
 و استقامت نشان قومی عزیز لرندن ارباب مشورتدن

بر نیجه لرینی معیننه ضم ایدوب اتفاق ارا لیه حرکت و سکون  
 و بین و یسان نظارت ایله وقوع بولان مشکلات و مبهمات  
 حلنده انلرک رأی و تدبیر لرینه جا بحار اجعت ایله بوا مر خطیره  
 مباشر اولوراردی و كذلك فر هنگ و چاوشان مثالو بر  
 مقدار سبق رفتار عسکری بی قرار وسط جیشده روح جمله  
 مثابه سنک اولان سیمه سالار معیننده موجود بولنوب اطراف  
 و اکنافه و بین و یسان و قدام و خلفه مقتضی اولان  
 او امر و نواهی و تنبیهی ایصال و ابلاغ ایچون حاضر و آماده  
 و مقام خدمتده استاده منتظر امر و اشارت اولوراردی وجه  
 محرر اوزن عادت اتم پیشین اوزن جنگ و ستیزه آماده  
 و حاضر خصمیه مناوحه و مناو و مقابله و مقاومته مباشر  
 جیش جسارت پیشه قرتال قوشی کبی جسم واحد ایکن  
 هماندم قصد پرواز ایله ایکی قنادین اچوب یعنی صاع و صوله  
 اچیلوب طولانی جدار هیئتنده بر صف اولوردی ولکن  
 زبرده مسطور اولان ترتیب جدید عسکری اوزن قاعده  
 هند سیه ایله طرح اولنوب صفاری کمال تناسب  
 و تساوی به مراعت برله مضبوط و منتظم و خط کبی  
 مستقیم و هر محله عرض و عمق مساوی اولیوب طوایف  
 عسکر بری بر لرینک قفارینه پیوسته و پیوند رختم رختم



و بی نظام بعض محله قلات و بعض محله کثرت و کمال ثقلت  
 و از دحام ایله بری برلرینک اوپکه سنه بصهارق بردشمن  
 مواجهه سنه وجه مشروح اوزن صف ناموزون شکنه  
 کیروب طور لر دی بعد اهسته اهسته حرکت ایله ابکی  
 عسکر بری برلرینه قریب اولوب قدر مشترک مابینی فصل  
 ایدر بر مقدار مسافه میدان باقی قالد قدر شمشیر نیز نائیر  
 غلافندن شجرر مانندی نیچه نیچه مردان شجاعت نهاد  
 شیر زیان نژاد صفدن ایریلوب مردانه مچلوب رستمانه  
 میدانه چکلوب قار شده خصمک دخی حالی بو صورته  
 اولعله انلردن دخی دلیرودلا ورجست و جسور صحیح الاعضاء  
 قوی القلب اولان فارسان و پیادگان بهادران مقابله  
 و مذاقعهیه مبادرت و روبرو و مقاتلهیه مسارعت برله سل  
 شمشیر و تشبث سنان و کرز و حربیه و هشت و خنجر و نیز  
 و کان و چینه و ساثر مألوف اولد قلی آلات حربیه ال اوروب  
 بری برلرینه حمله و هجوم و ملاطم الامواج مد جزر دریای  
 عمان بی امان مانندی کاه اقبال و کاه ادبار و صیت و صدای  
 صدمه و غریو و این افاق کیر و غبار سمند شهاب رفتار لری  
 عیوقه پیوسته و لوله انداز صدای هل من مزید ایله بازار  
 کارزار کار کند ارو و غایه رواج بولد و روبرو اول بازار پر استنهارده

تقد صمیم و زرینه حدید و پولاد و شمشیر نیز و سنان دلستان  
 ایله جان الوب جان و پر لر دی اصول صفیری علی حاله قیام  
 وثبات ایله بو طرز و طون ثویت بنویت مداومت ایدر لر دی کاه  
 برنوبته غالب و مغلوب معلوم اولوب دعواری بر طرف  
 اولور دی کاه دورادور مجادله امتداد ایله فصل دعوا ایرته یه  
 قالوب کاه نیچه ایام ممتد اولور دی کاه طرفینک یاد شاهلری  
 و یاسر عسکر و کاه بر قاج نامدار پهلوانلری میدانه چیقوب  
 انلرک غالبیت و مغلوبیت لریله اکف اولوب جانب غالبه  
 جمله اطاعتی مصباح کور لر دی کاه تعند و تمر دایله نائره  
 عداوت و خصومت کرمیت اوزن اشتعال و دریای بی امان  
 کین و انتقام طغیان و تموج و ابکی عسکر خلقی بری برلرینه  
 کیریشوب قاریشوب بی حد و بی پایان نفوس بشیر  
 انداخته خاک مذلت اولور دی و باجمله عساکر پیشین  
 طوب و توقنک و خویبره بلیوب و زمانلر نده باروت بولیموب  
 خندق و متر سلا ایله تحصن معمار لری اولیموب نیز و کان تیغ  
 و سنان حربیه و چینه کرز و خنجر و صیقلان زمبرق جبه  
 وجوشن تولغه آلات حربلری اولمش ایدی اخلاصه دول  
 پیشین و پسینک زمان اولدن بو زمانه کلهجه مبادی بنیان  
 انفاق و اجتماعلری و طور و طرز جمهیر اتحاد لری و قانون



وقاعد نظام ملت وقتق ورتق امور دولتری اطراد اوزن  
 اولیوب مذاهب واین و مشاربیری دخی طبایع مختلفه لری  
 اقتضاسنه کون اگرچه مخالفت و مباينت اوزن واقع اولشدر  
 انجق عسکر جمع و تحریر ایلک عادئری و جمع ایلدکری  
 عسکری افراز ایلدکری صورت و هیئتتری و جنکه  
 مباشرت لرنده خصمیه قارشو اقدام و اقباللری و طرز و طور  
 حروب و قتال لری اکثریا اطراد اوزن جاری و کذلک  
 سفراره غریمت لرنده اثنای راه ده سیر و مشییلری و قونوب  
 قالقوب کوچملری و دارا حربیه تقرب ایلدک لرنده پیشوای  
 عسکر و مقدمه جیش و دمدار جیش و صاغه و صوله  
 نظارت ایچون افراز جیش طریقاری و تسخیر بلاد قانونلری  
 بری برلرینه مشابعت اوزن اولوب استعمال ایلدکری  
 آلات حرب مثالنده دخی اکثریا مشترک لرا اولشدر در  
 ملوک هند و سند و ترکستان و فارس و ملوک اسباط  
 بنی اسرائیل و ثبابعة یمن و ملوک مصر و بغداد و ملوک روم  
 و سائر قبائل و عشائر عرب و اکراد و عجم و طوایف  
 افرنج قدما سی جمله بو حال اوزن اولوب طرز و طور  
 معهودلری اوزن حرکت و جنگ لرنده آلات مرقومه یی  
 استعمال ایلدک لشدر در دول اسلام و ملل اهل ایمان دخی

اکثریا طور و طرز قدما یه مشابه صورت اوزن حرکت انجق  
 خلفا و سلاطین میاتند بعضییلری وظیفه خوار لشکر  
 تدارک و پیاده و سواری او جاق لرنده اصناف عسکر  
 ترتیب ایدوب بنیان دولترینه احکام و نظام و انتظام امور لرنده  
 استحکام و اعدای دین و دولترینه و جوه اقوی ایلد غلبه  
 طریق لرنده تشبث ایدوب اگرچه آلات حرب استعمالنده  
 قدما یه اقتدا و ترتیب صفوف رجال قتالده و جمله و هجومده  
 انلره اقتفا اولشدر در و لکن کمال مرتبه ده سعی و اجتهاد لری  
 ایلد شمشیر باز لقه جمله یه غلبه ایلک استعدادینه و اصل  
 اولشدر در با وجود که دولت علیه عثمانیه نیک ادا مه الله الی  
 یوم القیام طلوع و ظهور یله صیت و صدای دبد به دولت  
 اسلامیان و صولات طنطنه سلطنت اهل ایمان افاق عالمه  
 و اقطار زمینده ولوله اندازد هشت و وحشت اولوب قهر شمشیر  
 پادشاهان ال عثمان مسامع کفار بکیان رعب و هراس  
 القاتیمش ایکن برمدت هم لرنده فتور و جست و جورنده  
 قصور کورند و کی نه کونه اسباب و عللدن طاری اولدوغی  
 نذیر و فکر و ملا حظه اولنق لازمه ذمت علوه مت ملازمان  
 مهم و مقتضای غیرت خواص و عوام اولشدر پس  
 بومعنا یی فهم و ادراک و یومبهم و مهمه یی درک و اذعان



وبوشم به نك حقیقتنه واصل اولمق وطریق تدبیر و تدارک  
 سهولت بولمق ایچون بومحله عدوی دین و دولت اولنارک  
 طور و طرز و احوال لری جمله دن اول تجسس اولمق و من  
 کل الوجوه و وقوف تام حاصل اولمق لازم و لابد درکه هر حاله  
 قصور نمایان و جمله نك عندنک مسلم و عیان و مایه فساد  
 و منشأ کساد ظاهر و آشکار اوله بناء علی هذا بومعنا ی  
 ایضاح و افهام ایچون اولادول اسلامیه نك تابع اولدقلری  
 ملوک و سلاطین پیشین عسکرینک هیئت اجتماعلرند  
 و چنکه اقدام ایلدقلری صورت و طرز و طورلرند عقله  
 متأخرین و حکماء زمانه نك و فنون حروب و قتاله ماهر  
 اولان اصحاب دقت و ارباب وقوفک نذیع و تحری و تدقیق  
 و تحقیق لرینه کور مایه فساد و سبب کساد و علت  
 ضعف و هزیمت نه ایدوکی شرح و بیان ثانیاً ملوک و ملل  
 نصارانک عقلای دقیق شناسی و حکمت شناسی  
 نیجه مدتن بروکمال جد و جهد و سعی و اهتمام و فکر  
 و ملاحظه و نذیع و تحری و مذاکره و مشاوره ایله متقدمین  
 عسکرلری تربیتی فسخ و لغو و شدت هجوم و جمله ی دفع  
 و دفع ایچون کند و عسکرلرینه قواعد حکمتیه مبنی بولدقلری  
 ترتیب جدید و چنکه قیام و اقداملرند سیب متانت

عد ایلدقلری طرز و طور عجیبلری و قد مایه مخالف  
 ایجاد ایلدقلری آلات حربلری نه ایدوکی تعریف و عیان  
 اهم مهامدن اولمشدر پس متقدمین عسکرلرینک  
 خصیله مقابله یه طور دوغی شکل و صورند و مقاتله یه  
 اقدام ایلدقلری سیاق و سباق تهلاک عظیمه و قصور  
 نا محصور و خطر فاحش و جودی با تجربه و المشاهد  
 معلوم و مشهود اولوب اولاول مقوله عسکرک سفرده  
 و حضردن ضبط و ربطی حد امکان اولیوب حین اقتضاده  
 حاضر و آماده یولنیوب اجتماعلرینه مرور زمان اقتضایدر  
 حاضر بولندوغی صورته دخی بازی قیچی و یا آخرشی  
 بهانه و تکلیف مالا یطاقه اجزا ایدوب مأمور اولدوغی  
 محله کتمک تعلل و تعند ایله و یا تأخیر ایله فرصت فوت اولور  
 و اثنای طریقده رعایا و برایایه ظلم و تعدیلری منع و دفع  
 اولمق امر دشوار بلکه عدیم الامکاندر ثانیاً سفره  
 هزیمتلرند اثنای طریقده سیر و مشیملری و قالقوب  
 کوچملری و قونملری با خصوص عقبه و دربند بوغاز  
 و جسرده و سائر طاری اوللرده حسن نظام قبول اتمیوب  
 هر حاله پریشان و پراکنده اولان حاللری نیجه نیجه فساد  
 مؤدی اولور و دشمن بوحال اوزن اولان عسکردن مراد اوزن



دل الوب احوال عسکره اطلاعنه باعث اولوب یولده  
 وقوتاقه پراکنده حال اوزن اولان عسکره شبحونه فرصت  
 بولور دلر تقریبیله قصد وعزیمت عسکره واقف اولوب  
 تدارك اوزن اولور ثالثا کثیرالا فراد چند قوی النهاد  
 دشمنه قارشو وارد قده متقدمینک طرز و طورینه کون  
 حسن نظام و ترتیب ماهو المرام ایله منتظم و مرتب اولیوب  
 مرصوص البنیان مشید الارکان جدا مثل الوصف اولوب  
 قیام و صبر و شدت لره بی نظام اولد قلرندن تحمل ایله مزمل  
 با خصوص بهادران جست و جولدن و جرار و نامدار  
 دلاوران عدو شکاردن مجند اولان چند قوی الاقبال  
 اول هنگام روز رستخیز نمونده دریای عمان بی امان  
 اسباباد غیرت ایله تموج ایدوب جوش و خروش کلد کده  
 عقلای عالم بریره جمع اولسه ضبط و ربطنه و دشمنه قارشو  
 حسن نظام و ترتیب ماهو المرام ایله اول عسکرک بیوقنه  
 و دلالتنه طریق بولا مزوجه محرر اوزن بولکونه عسکر  
 شجاعتنه مغرور اولمعله بری برلر یله قیامده و اقبال  
 واد بارده اتفاق و اتحاد و باجمله حرکت و سکونته مساواته  
 رغبت ایتمیوب صفری شکسته بسته هربری تفرد  
 و تسابقه مسارعت ایله متفرق الحال اولد قلرندن بی انبیا

و بوطریقاه

و بوطریقاه دشمنه فرصت و پرد کلرندن عافلار اولوب دشمن  
 ایسه عافل و دانا صاحب وقار و سکونت و افراد عسکری  
 وارکان صفی قاعده هند سیه اوزن طرح و تسویه اولمش  
 کمال نظام اوزن قیام ایله منتظم و مرتب اصحاب عین و یسار  
 و میانه سی کویا سلاسل آهنین ایله بری برلرینه مربوط  
 و مشدود تسابق تدابردن محتاشی ظاهرده و باطنده  
 بولکونه اتحاد و اتفاق مرغوب و مستحسن برله قوی القاب  
 مشید الاعضاء اولوب خصمک پراکنده و پریشاناق  
 صورتی و تفرقه طریق اوزن درکار اولان جمله و هجومی  
 هر نه مرتبه شدت و کرمیت اوزن دخی اولورسه دشمنک  
 منظوم و منتظم قوی الاساس صفارینی شکسته و  
 ترتیبی تفریق اقدار حاصل و تفرقه محله کتورمه که امکان  
 تحصیل ایله میوب تاب و شتاب ایله سعی و کوشش لری  
 و بصورت بی انتظام اوزن هزار جد و جهد لری فائده مند  
 اولیوب مجرد کندولرینه تعب و زحمت و یروب بوحال ایله  
 آزمونده بازوی همتارینه کسر و قوت و تدبیرینه ضعف  
 و فتورک لوب غرور و شجاعت ایله اقبال و اقدام لری ندامت  
 یاس ایله ادبار لری نه مؤدی اولوب عاقبت العافیه مبادی  
 فضایی بی انتظام لری شکل انزام نتیجه سین و یرمک



مقرر در وجه دن استنوع بود که بگونه حرب و ضربه مقدم  
 شجاعت شعار بحز خارکی چایک و چالاک عسکر بی قرار  
 جانب اعدا دن کامیاب اوله میوب صورت انهرام ظاهر یله  
 مختل الحال و منکسر البسال اولدوغی صورتند ندامت  
 حرمان و پاسبیلله هر یکا تک یو و اکثریا بویهانه ایله ایقناظ  
 ناره فتنه هوا سندن اولور حتی بگونه انهرام عقیبند احوال  
 عسکر مختل و مشوش و هرج و مرج اولوب نظام ضبط  
 و ربطی قبول ایتمیوب کرار او مرار اظهار رفتنه بغی و طغیان  
 ایله نیچه نیچه سلاطین و ملوک عدالت سلوک پرورده  
 نعمی اولان عسکرک خار و خاشاک علوی غلوا یدوب  
 خلع و مقتول و نیچه نیچه سپهسالار نامدار و سر عسکر  
 دست غدر توابع عسکر یله ثلث و متواری خاک مذلت  
 و نیچه نیچه پای تخت دولت و خال چهره کشور و کرسی  
 مملکت اولان بلاد معمور یا که مالک عدیه نارفتنه  
 عسکر یله یانوب یقلوب خراب و بیاب اولدوغی متواتر در  
 و ابعاطر ز و طور قدما وزن معسکر اولان جیشک کثرت  
 افرادینه و افراد عسکرک شجاعتلرینه و آلات حربیله مکمل  
 و کرکی کی ملبس اولد قلمرینه دخی نظر و اعتبار و اعتماد  
 لولماز بلکه شرط اعظم وجه دن الزم و اهم اولان حسن نظام

و ترتیب

و ترتیب پر انتظام در زیر ابا جمله آلات و اسباب حروب  
 و قتال فوق المرام حاضر و آماده اولسه ده مادام که  
 بر عسکرده حسن نظام و ترتیب قوی الانتظام بولمیه بوجه  
 فائده و یرمیوب نظام و انتظام اوزن مؤکد اساس عسکر  
 بالنسبه اقل قلیل دخی اولور سه انکله مقاومت حد امکانده  
 اولدوغنه بداهت عقل شهادت ایلد و کندن غیری بودعوا  
 تجربه کثیره ایله ثابت اولشدر خامسا نظام اوزن  
 اولان عسکر دن هر فردده مقتضای حال و وقته کون حرکت  
 دشمندن باری اجمالا هر حاله خبیر و آگاه اولق ممکندر  
 بی نظام اولان عسکر افرادی ایسه کندوسی داخل اولدوغی  
 عسکرک دخی اجناس و افرادی حالی تشخیص و معرفت  
 و احاطه یه اقتدار حاصل اید میوب ادنی قضا و خطا  
 و قوعیلله بر جانب بر مقدار تشویش و اختلال پذیر اولسه  
 در حال مرض فساد جمله یه سرایت ایدوب تمام احوال  
 عسکر مختل و مشوش اولور حتی عساکر قد ماده بالذفات  
 واقع اولشدر که یاد شاهک و یاسر عسکرک اتی و دوه سی  
 سورچمکه دشمن جانبدن روح جیش اولان امیر و سردار  
 خطا اصابت ایتدی صانوب دریا مثال عسکر دشمندن  
 روگردان و اختلاله دوشوب دشمنه مغلوب اولشدر



و بوندن اغرب مقدم و یا مؤخر و یا یمن و یسار جیشده  
 چالی چری میاندن فحمة طوستان قالقوب بعضیلرک  
 دابه لرینی او رکوتملکه بره دشمن یا صدی دیو اشخاصک  
 شماتتی جمله عسکره اختلال و یروب و هر فرد فران یوز  
 طو توب و راه نجاته جان اتوب نیچه یوز ییک عسکره یو کونه  
 و سوا یلق ایله هریمت فاحسه وافع اولمشدر سادسا  
 اتفاق اریاب و قوف و ارای احباب تجربه یونک اوزرینه  
 جاریدرکه عسکر بی نظامک غالبیت و مغلوبیتی قوت و مکنته  
 و رای و تدبیره وجد و جهل منوط و موقوف اولیوب و یوابده  
 حکمت افلاطون تدبیرار مسطور ای رزین بزرجهر نافذ  
 و جاری اولیوب عقلای عالم بریره جمع اولسه رای و تدبیری  
 فائده و یرمک حیزا حمالدن دوردر زیر احسن تدبیر و قدرت  
 و شجاعت و قوت عسکرو کثرت بهادران فی الجمله  
 عسکرده نظام بولندوغی صورته فائده مند اولور یو کونه  
 بلکه واستعداد نظام بولندوغی وقتله محله صرف اولنق  
 ممکن و رای رزین و حسن تدبیر و صورته اصابت پذیر  
 اولق مأمولدر نتیجه حسن ترتیدن و نظام ماعوالمرامدن  
 خالی اولان عسکرک نتیجه احوالی و انجم و عافیتی مجرد  
 بخته و اتفاقه حواله اولنوب و غالب و مغلوب اولق

امری

امری شق اوزن اولوب بو خصوص مطلق امور اتفاقیه دن  
 حد اولنغله گاه بر وجه اتفاق فوق العاده مراد و مقصود  
 حاصل اولور گاه ادنی بهانه و خطا ظهوری و یا اکثر بر شخصک  
 انقلاب خالی عسکرانجم شمارک کسرو شکسته باعث و بادی  
 و لشکر قوی الاقتدارک انهرام فاحش ایله اضمحلالنه مؤدی  
 اولوب بو صورته اسباب ظاهره ده کمال و قصور نظر  
 اولنمیوب مجرد غالبیت و مغلوبیت متمر دانه مقدر حواله  
 اولنغله محتاجدر سابعاً ملوک و سلاطین لشکر نه  
 حسن نظام و ترتیب ماعوالمرامک انعدامی مشغله عظیمه  
 و مصارف کثیره و انلاف بیت المال باعث و خرابی مملکته  
 علت مستقلة ایدوکی شرح و بیاندن مستغنی برامربیدر  
 پس بو جمله دن نظام قدیم و ترتیب عتیق لشکر قدما  
 قصورنا محصور و مهملکه عظیمه و مخاطرات کثیره و مخدورات  
 نامعدوده ایله آلوده حال ندامت مائل اولدوغی ظاهر  
 و اشکار اولدی تنبیه بالاده مسطور اولدوغی منوال  
 اوزن وجه الارض با جمله ذرائع آدمه مسکن اولوب هر  
 جانب انبای بشره جای اقامت و برای و محارک کشت و کذار  
 اولنوب طوی زمینک بر وجه اعتبار فوق و تحنی افراد  
 اجناس انسان ایله مال مال ایدوکی ثابت اولدقد عنصر



و تراب و مابر کرده دن عبارت اولوب بومعنائی تفهیم ایچون  
فن جغرافیا اربابی او لایکی دائره رسم ایدوب ایکیسی  
برکره دن عبارت اولوق اوزن طوب زمینی تصویر ایتدیلر  
بعده روی ارضه واقع ممالک دنیایی ایضاح و اعلام و اقوام  
عدیده و اجناس متنوعه نك احوالی و فرقه فرقه اولوب  
حکام و ملوک و سلاطینه گروه گروه تبعیت و پائزینه  
جمعیت برله برر صورته افراغ ایلد کیری دولتله احوالین  
افهام ایچون تماما کره ارضی قسمت اولی ده دورت قسمه  
نقسم ایدوب اوروپا آسیا افریقا آمریکا نامیله نسیمه  
ایتدیلر و کره زمینده تخت نشین اولان ملوک و سلاطینک  
کشورلری اقسام اربعه ارضه واقع و اول دورت قسمک  
بری که وجه ارضک کریده سی اولوب اوروپا نامیله مذکور  
و کتب جغرافیا ده حدودی ایله مسطور در طائفه نصاری  
یاوکنه و فرق ملال مسیحیه ملوککنه مخصوص مسکن  
اولد و غندن غیری سائر اوچ قسمندن یا خصوص آمریکا  
نامیله مشهور یکی دنیادن نیچه نیچه ممالک اول گروه مکروهه  
وطن اولوب باقی ایکی قسم یعنی آسیا و افریقا سائر طوایف  
وامم ملوککنه توزیع و تقسیم اولوب ملت نصاری ملت  
واحد و شرذمه قلیله ایکن روی زمینده منتشر اولوب

بر مرتبه چوغلد بکه سائر طوایف و ملل سوادینه بدل  
اولمغه یا قلا شوب برالای طائفه پرنکبت بومرتبه ده قوی  
همت اولوب اقطار ارضی کیلریله کشت و کنار و محیط  
شرقی و غربیه نیچه دارودیان مسلط اولوب الدیار و ملت  
اسلامیه یا خصوص دولت علیه عثمانیه ادام الله  
ظهور ایدوب شرذمه مرقومه آسیا قطعه سندن دست  
مطاولی چکوب ایاغ اوزاتمه دن قالمشیر ایکنینه اول طائفه  
بد جبلت شرقه یول بولوب اول جانبده اقصای عمارته و اصل  
و چین و هند و سندن بدرینه ظفر بولوب نیچه برلری الوب  
ضبط اتمکله متسل اولدیلر و محیط شرقی ده نیچه نیچه  
مجهول الاحوال جزیره لر بولوب حوزه تصرفلرینه اد خالیله  
قوت بولدیلر اهاالی اسلام ایسه طوایف مرقومه نك  
حالندن بالکلیه غفلت و مسامحه و عدم مبالات برله  
یوطائفه نك دیاریمزه قرب و شهرتی ایله عداوت دینییه  
و نفرت عادیه سبب اولوب اول گروه مکروهک سلاطین  
و ملوکی اخباری ننبع اولمق مهمه سندن کلیتله اعراض  
اولمش تعصب محض اختیار یله جهلی قبولدن عدول  
اولمیبوب دولت علیه ایله همجوار اولوب رصد فرصت ایله  
هر آنده دولته سوء قصد اوزن عداوت درونلری درکار



اولناردن هر يرينك آيين بد سلوكي ومقدور ومقداری  
 وكيفيت احوالی بانك اهم مهامندن غفلت اولمغله شرمه  
 قلیله ایکن کثرلرینه مغلوب ومقهورلر ایکن غلبه لرینه بر قایمه  
 محصورلر ایکن عالمه انتشار لرینه با خصوص نظام دولت  
 نحوست انجاملرند مشاهده اولنان طرز و طور حکیمانه لرینه  
 وتد بیر بلا دو تنظیم امور عباد و تعمیر ممالك و آبادانی ممالك  
 ومملکتلرند دستور العمللری اولان قانون وقاعدی ریاسیه  
 وسیاسیه لری وحفظ و حراست مملکتلرند اولان عادتلری  
 با خصوص بر قاج سنه دن بروپی در پی با تقدیر خدای دولت  
 قاهره عثمانیه عسکرینه صورت غلبه ده کورند کلرینه  
 باعث و بادی اسباب و علل نه اید و کندن غافل و بومهمه بی  
 فکر و ملاحظه دن رجال وناس عاقل اولمیرله دفع مضرتلری  
 وسد باب فسادلری امید یله احواللری جمع و درج اولتمق  
 اشدا احتیاج ایله محتاج اولدوغی ظاهر اولدی تاکه  
 اسلامیان بوطائفه اهل نیرانك احوالندن کلitle غافل  
 وجوارلرند اولان اعدای دین و بد خواه دولت امورند بی  
 وقوف و جاهل اولیوب بو خواب غفلتدن اویانه لرومن بعد  
 بصیرت اوزنه حال و احوال دشمندن خیر و آگاه و ترتیب  
 قریب ونظام جدید ایله عجیب الاساس بدیع البنیان احداث

ایلد کاری

ایلد کاری نظام جدید جیشیه و خدعه حریبه و حیل  
 عسکریه لرینه اطلاع تام برله بلاد اسلامه استیلارینه  
 وممالك اسلامی دارالکفره ضم والحاقلرینه غفلت ومساحه  
 و با جملله احوال لرینه وقوف و اطلاع تحصیلند تعصب  
 محض اختیار یله جهلی قبولدن عدول ونکاسل وعدم  
 مبالات ایله افساد ممالك ودولته طریان وجریان ایدن  
 اموره تسامح جوازی شایسته کورمیه لریس زمان اولدن  
 ابتدای طلوع محمدیه یه کنگه ملوک وسلاطین پیشین  
 و پسین عسکرلری بالاده مسطور نظام بی انتظام و ترتیب  
 تشویش ارتسام اوزن تجمع وتجمیع وتجدید و معتاد  
 ومراعات قلد قلمی صورت حروب و قتال اختلال ماللری  
 دخی مهائکات عظیمه ومخاطرات کثیره واختلالات  
 واختلافات کونا کونیه انجامند امت ختامه مقرون اولدیغی  
 ظاهر اولدقه حسن نظام و ترتیب پرا انتظام ایله منتظم ومرتب  
 عسکرک حسن حال ظفر مالی سعادت دستکاهی نمایان  
 وحسن نظام و ترتیب ماهو المرامه رغبت ومراعاته حصولی  
 محقق منافع بی شمار کالشمس فی وسط النهار آشکار اولمغله  
 بودعوی اکر چه مستغنی عن الیئاندر لکن ینه غفلت  
 شایسته کورلیوب کمال بصیرت ایله تیقظ وتنیه لازم ومهم



وحزم واحتياط زمانمژده فرض و واجب رتبه سنده اولمغله  
 بعض منافع بومحله کشیده سالك سطور قانمغله تکرار  
 وتکرار ذکر و یاد اولنمق مناسب عد اولندی تدبیل اگرچه  
 هر حاله فتح و نصرت و هر مشکله وصول و ظفر و اعدایه غلبه  
 مجرد اول و اهب مطلق و فیاض علی الاطلاق جناب حق  
 جل شانہ و عم نواله حضرت نرینک الطاف مالا نهاییه لرندن  
 قوللرینه عنایت و خلافت و سلطنت و ملک و مملکت ارادت  
 علیه سندن بخشایش و عطیه و عزت و مذلت مشیت  
 ازلیه سنده منوط حکمت خفیه و غالییت و مغلوبیت قضا  
 و قدرینه موقوف اسرار پر حکمت درو لکن هر امرک ظاهرده  
 حصولی و هر عروس مرادک کم و عد مدن منصبه  
 ظهورده جلوه کر اولسی مجرد اول خدای متعال دن  
 اسبابنه تشبیه حواله اولشمس و عاده الله بونک اوزرینه جاری  
 اولش اولد و غنه بناء نظام بنیاد و انتظامی حسن نظام ایله  
 مؤکد و اساس بنیان اجتماعی و اعضای اتفاق و اتحادی  
 ترتیب و ترکیب مصدون الاند راسیله مشید و مستحکم اولان  
 عسکر ظفر ماب اتفاق دن خالی عسکر مختلف النظام اتحاد دن  
 بری ضعف ترکیب مشرف انهدام سریع الاقلاب سقامت  
 نهاد و اعدانک سبب متانتی و باعث دوام و ثباتی اولان طرز

و طورندن

و طورندن و حیلله حریبه و خدعه عسکریه سندن غافل  
 و متکاسل اولان عسکره بهر حال غلبه اید کلدوکی ظاهر  
 و آشکار در تعداد النافع بر وجه اجمال اولا عسکرک حسن  
 نظام راسخ البیان و ترتیب ماهو المرام حبل متین انتظام بی  
 انقصا مندن مطلب اعلی و مقصد اقصای اعلا و ادنا عدوی  
 بد کان غلبه برله کامیاب و بوسعاده ظفر یاب برله کامران  
 اولمغله حسن نظام و ترتیب متانت ارتسام اوزن حرکات  
 و سکنا تی اعتیاد ایدن لشکر ظفر متأثر اکثر اوقات نصرت  
 و غلبه یه موفق اولق با المشاهده والمعاینه ثابت اولان  
 قضایای یقینیه دندرو لکن ترتیب و نظامه مقدور و مقداره  
 مساوی اولان ایکی عسکرده غلبه امری رأی رزین و تدبیر  
 اصابت آیین غالب اولدوغی جانبه حواله اولنور و الا انتظام  
 عسکر نه طرفه زیاده اولور سه بر مقتضای ظاهر دلارام  
 ظفر و غلبه ینه اول جانبه جلوه کر ظهور را یتمکدر حنی طوب  
 و تفنکی جبه و جوشنی ترتیب و نظامی صفوف رجالی مساوی  
 وقاعه حروب و قتالی مطرد افرنج طائفه سی جنگرند  
 بوگونه حالات واقع اولوب کاه اولور که حسب المساوت  
 غالب و مغلوب معلوم اولیوب دورادور مجادله و مقاتله  
 و محاصره دن نتیجه ظهور را یتمیوب ایکی جانبک عسکری



کیر و چکلورگاه اتفاقا میدان معارکه بر طرفک ضبطنه عاید  
اولمغله بوقدرجه فرصت غالبیت نامیله افتخار وسیله اولور  
ثانیا اول دولت سلطنت که عسکری حسن نظام و ترتیب  
ماهوالمرامیله منتظم و مرتب اوله اول دولت و سلطنتک  
عسکرند و اها لئ رعایا بر ایا سنده بغی و طغیان فتنه سینک  
ظهوری و حدودی بلکه وقوعینک امکانی عامه عقلا عندند  
مسلوب الاحتمال در نتک اقلیم او رو یاده واقع اولان ملوک  
متعدد ده نک دولتری بوقضیه ده دلیل کافیدر حتی کتب  
تواریخ نکرند مسطور در که اقلیم او رو یاده جمله دن اول ظهور  
ایدوب استهار بولان رومه سلطنتیدر که رومما شهرینک  
بانیس و اول دولتک مؤسس اولان رومولوش نام کسنه نک  
اسمیله تسمیه اولنشدر شهر مزبور تاریخ میلاد حضرت  
عیسی دن بشیموز یمش بل مقدم بناود دولتری دخی اول  
اشاده وضع بنیانیه تأسیس اولنوب حاکمینه ایمپراتور  
القبایله عنوان ویرمشا ایدی لفظ مر قوم لفظ لاتنی اولوب  
وضعه امراید یچی فرمان فرمای معنا سنه اولور اصطلاح  
جمله ملوک نصبارانک باشی ملک الملوک سلطان السلاطین  
یادشاه و شهنشاه معنا سنه دخی استعمال ایدر لرسائر  
فرق نصبارانک قرالری ایمپراطور اکثر یاسر فروایدوب

انقیاد و متابعت کوستر در چون بورومادولتنک دخی مبادی  
وضع و بنیادی ملوک و سلاطین پیشین قانونتری اوزن  
طرح اولنوب عسکرلری طور و طرز قدمایله  
مختل النظام و مشوش الترتیب ایدی میان عسکرده  
پی در پی ظهور ایدن فتنه ایله احوال نامس مختل النظام  
اولوب روی زمینده جمله بلاد زینت و شهرند غالبیت ایله  
مفتخر و مباغی ملل نصبارانک مایه الا فتخاری حالایم پیایسی  
اولانلرک مقرر حکومتی رومما ایمپراطور لرینک تخت قدیمی  
لسان خواصده رومیه الکبری اسمیله ولسان عوامده قزل  
المانا میله شهرت شعار بویه بر شهر عظیم عاقبت نارفتنه  
عسکریدن یانوب ییقلوب حالا اکثر یرلری خراب قالمشدر  
بعد زمان ایمپراطورلق دخی کندولرندن منفک اولوب گاه  
قراخچه قرالترینه و گاه غیر پاره انتقال وروما خلقی اولان  
قوم لائین دخی منقرض اولوب انجق کتابارده ناملری  
قالمشدر میلاد حضرت عیسانک ییک ایکیموز یمش سکر  
سنه سنه رومما ایمپراطورانی ممالک او رو یادن اووشتریا  
مملکتی ملکنه یعنی غنچه طائفه سی بکارینه انتقال ایدوب  
ابتدایوقومدن رودولفوش نام اووشتریا بکی ایمپراطور اولدی  
تاریخ کابه کلهجه دور تیوزاللی طقوز سنه مدته بروجه



مناسجه ایمراتورلق اولاددن اولاده انتقال ایله نمجه  
جاسارلری خاندانه قرار ایدوب حالانجه جاساری اولوب  
یکرمی برنجی ایمرطور اولان التخی قارولوشه کلجه اووشتیریا  
خاندانی جاسارلرک وفاتلری اثارلرک اولاددن خالی  
اولیوب ایمرطور لغه بیکنانه دن دخل وتعرض واقع  
اولامشدرانجق شهیدی که نمجه ایمرطورینک هنوزارکک  
اولادی ظهورایتمیوب کندوسی واهلی ایمرطوریمجه  
دخی بعض عوارض سببیلله ولد ظهورندن رتبه پأسه  
وارمشدرغالبابواشاده یونلرک تقریبیلله ایمرطورلق  
یناسی بادا نقراضله تزلزله ویاخوددیکرانه انتقاله تقدیر  
ازل تعلق ایتمش اوله کذلک حالای نحت سلاطین آل عثمان  
محسودملوک زمین و زمان یلده طیبه قسطنطنیه دامت  
زین عمارتها مادام النهارواللیا لی قائمه زمان ساقیه  
رومیه الصغری نامیلهر ومیان طائفه سی ایمرطورلینه  
جای اقامت ومقرسلطنت اولوب یونلردخی صاحب قدرت  
وحشمت بردولت ذی شان وشهرت ابکن اهالی مملکت  
وعسکریلک ظهورقتمنه برآن خالی اولیوب تنظیم اموربلاد  
وضبط وربط طوایف عسکرو بسط وتمهید قوانین حروب  
وقتل اهم مهامندن غفلت ومساحه برله سدباب فسادده

بالاخره

بالاخره بازوی اقتدارلری شکسته وآب روی دولتلری  
اولان وفاقلری شقاقه تحویل وکثرت اختلافیه تاب وتوانلری  
ضعفه مبدل اولغله انجامنده بالکلیه خصمه مغلوب وابلره  
جمله محکوم اولوب دولتلری ختام زوال ایله مختوم اولدی  
الحاصل اقلیم آوروپاده حروب وقتالده طرز وطور عجیب ایله  
تجهیز وترتیب عسکرده رسم جدید و آلات وادوات  
خریبه ده شکل غریب ظهوریلله فن حرب وقتال مغایر  
پیشین برصورت بدیعه یه افراغ اولنوب اقلیم مرقومه  
واقع ملوک ومالدن صغیر وکبیرقلیل وکثیر بوفن غریب  
ورسم عجیب ونظام جدید رغبت ایدنلرلا جرم خصمه غالب  
اولدیلرویا خودباری ملک ودولتلرنی دست نطاول  
دیکراندن حفظ وحرارسته اقتدارحاصل ایتدیلر نکاسل  
وتهاون ایدنلرلا محاله مغلوب واکثره محکوم اولدیلر ثالثا  
بردولتک عسکری روابط نظام برله مربوط وضوابط  
وسلسله ترتیب بی انفصام ایله مقید ومضبوط اولسه  
اول دولتک رعایاوبرایاسی هر وقت وزمانده اسوده حال  
ومرفه البال اولورزیرا اصول نظام عسکرو بناءتجهیز لشکر  
حکمت اوزن مبنی بر علم راسخ البنیان جلیل البرهان درکه  
وشتة قیود وشروطی مانند سلاسل آهنین متین ومستحکم



اولمغله مختلفه الطبايع متباينه الطينه افراد طوايف  
 مسكر دن صالح و طالح و شقی و مطیع ابطال و بطل شیر و خیر  
 عموما بونکله بدیلور و ضبط و ربط اولنور بر مرتبه ده که نیچه  
 ییک اجناس ناسدن مجتمع مسکر بریتشیش باغ ایچندن  
 مرور و عبور ایتیک اقتضا ایلد که توشه ایدنگ آرزو سیله  
 باغک بر حوشه سنه افراد مسکر دن بر فرد تاول و دست  
 نطاول ایتدرمک امکائی متصور در علما و حکمادان  
 متقدمین و متأخرین اولان محققینک نظام عالم و بقای  
 انتظام امور بنی آدمه اتفاق ارای اصابت اراری بونک اوزرینه  
 جاری در که بردولتک ساحه دائره سنه موجود افر ادناس  
 مانند چار عناصر دورت ارکان واصله انقسام ایلد بدن دولت  
 ترکیبینه قوت و مزاجنه تقویت و یرمک کر کلدر یعنی جمیع  
 ازمانده وجه آسان و طریق احسن ایلد اسلوب حکیمانه اوزن  
 امور مهمام دولت منضبط اولق مصاحنی ایچون خلقتک  
 بر صنفی اصحاب سیف و بر صنفی اصحاب قلم و بر صنفی اصحاب  
 حرث و زراعت و بر صنفی ارباب حرفت و تجارت اولوب  
 بوجمله نک زمامی ایادی ملوک و سلاطینه تسام اولنه و چهار  
 ارکان دولتک رکن اعظمی اصحاب سیف صنفیدر و بونلر  
 ملوک و سلاطین و انلرک نوایی و کلا و وزرا و امیر میران

وسائر ضابطان و بالجملة طوايف عساكر در بونلرک عهد  
 ذمتلرینه قرض وظيفه مالزماری اصحاب قلم صنفندن  
 علما و حکمائک مجرد رأی و تدبیرینه مراجعت ایلد جمیع  
 اصنافی ضبط و ربط ایتمکد رتا که بو صورت مرغوبه اوزن  
 قانون عدالت و حسن سیاست ایلد رعایانک و جمیع اصنافک  
 امورینی تسویه و تنظیم ایتیش اولالر کفار دوزخ قرار  
 میانده بو قاعده پر حکمته کمال مرتبه ده رغبت و حفظ  
 و دوامنه جد و اهتمام پرله بر کونه استحکام و یرلمشدر که ملوک  
 نصاری دیارنده بر قرالک عسکری مسافه بعیده ده بولنان  
 دشمنی ایلد مقابله قصد یله بر آخر قرالک اولکه سندن کذن  
 محتاج اولسه عسکریدن بر فرد بر کسنه دن کرها و جبرا  
 پکدانه بیضه دیک المغه زهره سی اولماق مرتبه ده طوايف  
 عسکرلری مضبوط و مربوط اولمغله بو مقوله عسکرک  
 تو اوده بناء مرور و عبورینه احیاناً اذن و یره کلشدر در خرج  
 و حوا یجاری اچله ایلد کوریاوب بو قدر جه ثقلتلرینه تحمل  
 ایدر لر رابعا خزینه نک کثرت و وفرتیله اجتماعنه باعث  
 و عدم انلافنه یادی اولور زیر ایا کونه نظام و ترتیب اوزن تحریر  
 و تجهیز اولنش عسکر برایشه کوجه بولشمیوب و کار و کسبه  
 قارشیمیوب مجرد دلیل و نهار عهد ذمت عسکریه واجب



خدمت لازمه سیله مشغول و مقید صیف و شتاده بلکه  
هراند حاضر و آماده بولنوب جوانب دولته دشمن ظهور  
ایلسه در حال دشمنه قارشو حرکت و عزیمته مهیا و عناد  
و مخالفته بر درلو قادر اولیوب فی الحال محل مأمون و اصل  
اولور و بو تقدیرجه نوازش خاطر و وعد و وعید لر یله و بی وقت  
وزمانه نیجه نیجه مصارف و اتلاف بیت المالیه مجددا عسکر  
جمع و تحریر و تدار کنه احتیاج قائلر خامسا عسکرین  
عسکری اولیان بلکه بالاده مسطور اصناف اربعه افرادی  
بری برندن تفریق و تمیز اولنوب هر فرده ماوجب علیهمسی  
تکلیف اولنور و بر صنف اخر صنفک ذمتیله مثلا سپاه  
رعیت ایله و رعایا جنک ایله جبر و کره اولنمیوب بوقانون  
حکمت احتوایه اهتمام ایله مملکت معمور و جمله عباد الله منتظم  
الاحوال و آسوده حال اولور ساد ساعسکر گروهی هر نه مرتبه  
ده و فرت و افرادی لشکر هر نه کونه کثرت اوزره دخی اولور سه  
حسن نظام قوتیله مضبوط و جوز محدود مثالو  
معین المقدار و معلوم العدد و متعین الاشخاص کیت و کیفیتی  
هر حاله نمایان اولوب حضرده و سفرده عسکری اولیان  
عسکری یه قارشیمیوب و لباس مشابه ایله انلره تقلید  
و اختلاط ایتیمیوب هر حاله مباینت و مغایرت شرطنه

مراعات

مراعات اولنور و عسکری ایله عسکری اولیانلرک بیننده  
مشابهت و التباس حضر و سفرده موجب فساد با خصوص  
اشاء سفرده مجرد اختلاله و اختلافه و قحط و مضایقه یه باعث  
اولوب اکثرا و قائده انهمزاده باعث اولدوغی عقلانک  
تجربه سی برله معلوم اولمشدر باب ثانی اجمالا منافع فن  
جغرافیایاننده در ارکان دولت اولان رجال ذی شان  
دائرة دولته واقع ممالک و بلاد و قلاع و حدود و سنور  
واحوال سرحد و هر طرفه جوار دولته واقع اتصالات  
و انفصالات ممالک اعدا و قرب و بعد و سهولت و صعوبت  
طریق و احوال بروی و انها روجبال و حال اقوام  
متمکنه فی الجملة معلوم اولق لازمه حالد رتا کم مهمام ممالک  
و انامده و فتق و رتق مبهمات سلطنتده وارد و صادر اولان  
رأی و تدبیر قرین اصابت اوله فن مرقومک ایسه موضوع  
و مبادیسی معرفت اشکال ممالک و بلاد و علم مسالک و مسافات  
و وقوف احوال و اقوام متمکنه اولغله بوجمله یه موصل بر  
شاه راه حقیقدر اهالی اسلام اوزر لرینه کفار بدکار  
و سائر اعداء دولت اولنلر ایله جهاد فرض اولوب مجاهدان  
غازیان ضمیم الاجتهاده براویحی معرفت دار و دیار اعدا  
اهم مهمام جهاددن اولدوغی ظاهر و اشکار در فن مرقوم



ایسه فی الحقیقه معرفت دار و دیار کفان رهنما بر دلیل حاذق  
و وصول مرآمہ هادی و رسم راه و منا زدن خبیر و آگاه بر  
مرشد عارف در مدبران دولت اولان رجال ذوی ایصاثره  
و راغب رغایب سیاست و ریاست و طالب مدارات  
مدالت اولان حکام حقیقت شناسه دورینک دوو شنید  
و عاقبت اندیشک و هر وقت و حاله سرگذشت عالم دن  
و وقایع اقوام زمین و زماندن خبیر و آگاه اولمق لازمه شاندری  
اولوب فن مرقوم ایسه یو بابد یو مرآت عالمنا و احوال  
اقوام زمین و زمان اند نمایان بر جام جهان نماد که یو مافیوما  
روی عالمه وقوع بولان حوادث روزگارک صدق و کذب  
اند اشکار در زیر ابا جمله معمون آفاقه متمکن ملل و قبائلک  
سمت و جهت لری ویرلرینک اتصال و انفصال لری و قرب  
و بعد مسافه و مسالک لری و سائر نیچه احوال لری بوند متعین  
و متبیین اولغله فیما بینهم و قوعی ممکن و یا محال اولان امور  
هر حاله ظاهر و نمایان اولوب تشخیص و تمیز اولنور مثلا  
مسقوچا ساری هند شرقی یه مسمتولی اولش دینلسه  
هیئت بمالک عالم ایله آشنا اولیان اشخاص در حال وجود و پرر  
لکن استناء فن اولان خواص مابینده واقع مسافات بعید  
و اختلافات ملک و ملل وادیانه نظر قلدوغی برله یوامر

محالاتدن

محالاتدن اید و کنه قطعاً و جزماً حکم ایدر کذلک مسقو  
عسکری کیلانه کتیش دینلسه آشنا فن اولان مسافه  
مابینده نظر ایدوب بحر جزیره یولده شمالدن جنوبه طولانی  
واقع اولش بر بحر عظیم و بحرک اطرافند متمکن ملل و قبائل  
اختلاف اوزن اولغله قره دن اکرحه دشوار الحصول  
و بحر یله دخی صعوبت و مهلکه بی متضمن و لکن یوجمله برله  
حد امکانده اولان بر معنادرد یو حکم ایدر انجق له مملکتینه  
عسکر کوند رمش دینلسه اتصال اوزن اولدوغنه نظر  
اولندوغی برله بادی نظرده امکانیله جواب ویریلور امت  
خیر البشر اولان ملل اسلام مسکن لری بمالک محروسه  
عثمانیه محصور اولیوب تماماروی زمینده منتشر و نیچه نیچه  
طوایف ملوکه منقسم اقطار ارضه بمالک بعید لرده متمکن  
اکثر یاری برلرندن بی خبرلر و یو تقریبله بری برلرینه  
امداد و اعانتدن عاجزلر اولوب نیچه لری زیر دست تسلط  
کفارده بی چاره و درمانده و مأیوس قالمش لردر فن مرقوم  
ایسه فی الحقیقه برآینه مجلاد که تماماروی عرضده واقع  
اقوام عدیده و امم متنوعه نك احوالی و ادیاتی اند طاهر  
و هویدا در مأمول اولنور که بوفنک رواجنه همت اولنسه  
عالمه انتشار و شیوع بولوب اقطار زمینده متمکن طوایف



موحدین بری برلندن خبردار اولوب قوٹ قلبلرینه واتحاد  
 واتفاقلرینه و بو طریقه دست تسلط کفاردن نیجه لرنیک  
 خلاصلرینه واسلا میانک دار و دیار لرینه نسبت دخی  
 اتصاللرینه وانجامند باجمله بریادشاه ذی الاقتدارک  
 زیر جناح حمایه سند اجتماعلرینه وسیله اولایا بر او بجا  
 مسافرت ایدن عساکر و تجار و باخصوص ملاحین  
 و بحریون طوایفی مسافرت بر و بحری بلکنه و قرب و بعد  
 اعدایی تشخیص و کردابات و صیغاردن احترازده و کید  
 و مکر اعدایی فهمده و پوصولردن اجتنابده و شدت روز کارن  
 مخالف بر لره دوشد کده واقع اولد قلری محلی بلکنه  
 و طریقلرندن نه مقدار چقد قلرینی تحقیق ایلمکده  
 و روز کارلری و باجمله سواحل و جزایر یوللرینی معرفتده  
 فن مرقومه نه مرتبه ده محتاج اولد قلری تفصیل و بیانندن  
 مستغنیدر باخصوص هم بی همتای رجال ذوالبصائر  
 هاقبت اندیش ایلده دولت علیه ناک عدم السبق والمثل  
 کماله رسیده بویله بردونمای همایونده علوم بحریه یی  
 و فنون دریایی مبین و مفصل حریطه لروپوزتولا نارومدون  
 کتب بحریه لر بولنمیب اوق دکن و قره دکنده توکل و سرسری  
 کز مکن و فرنگ قارطیایرینه محتاج اولمق شایسته دکلد

فن مرقوم ایسه فنون قدیمه دن اولوب علمی نیجه کتب  
 اسلامده مسطور و لکن علمی تسلط ضعیف و تصویر  
 خریط و جراید ایلده بیان موقوف اولوب طائفه نصاری  
 رسم و تصویر ایلده باطنندن ظاهره و قوتندن فعله کتوب  
 آرزمانده چوق فائده تحصیل ایلد کلرینی انکان مجال یوق  
 زیرا بوق سببیه هیئت ارض و مایی فهم ایدوب هر جانیه  
 دوان اولد بلروپکی دنیایی بولوب متصرف اولدیلر و هند  
 مشرقیه یول بولوب نیجه نیجه ممالک اسلامه و غیره  
 مستولی اولوب قبضه نسخیره کتوردیلر و تمام کرم  
 ارض و مایی کشت و کزان اقتدار حاصل قلدیلر فن  
 مرقوم توسیع دائره دولت اسبابندن اولدوغی نمایان  
 حتی مأمون خلیفه ترجمه سنه همت ایدوب لسان  
 عربی به ترجمه اولنوب بعض مسالک ممالک کتابلرند اطوال  
 و عروض بلادی بیانه کذا فی رسم المعمور دیوب ترجمه  
 مرقومه به حواله ایدر لر لکن بوفنک عمل و شیوعی انجق  
 بسیطه لرده وقار تیلرده رسم و تصویره توقف وانلرک دخی  
 صحت و کثرتی بصمه فنی ایلده همت موقوف اولوب قلم رسام  
 و کتاب ایلده وجود پذیر اولمق حیرامکانده دکلد بر یکی دنیایی  
 کشف و تحقیق ایدن قولون نام قیودان علم حکمت و هیئت



ما هر اولوب روز و شب عقل و فکری فنه مصروف و اشکال  
 بروبحری مبین قارتیلر رسم و تحریر ایله اموال و ایامین مبدول  
 ایدوب عاقبت ملال و ملوک نصاری به قیامتہ دکن  
 قراموش اولتمز بر خدمت ایلدی زیراد و رادمین برو بانمک  
 و بر فردن خبری اشد ملدک بردنیایه ظفر بولمیرینه و شرقا  
 و غربا هیچه ممالک و اراضی معلومه و مجهوله به مالک او لمیرینه  
 و روی ارضی و اقطار زمینی و بالجمله براری و بحاری سیر  
 برله کشت و کذار طریق بولمیرینه دلیل اولدی مأمول  
 اولنور که فن مرقومک دولت علیه ده ظهوری شرقا و غربا  
 توسعه دایره دولته مؤدی اوله غیر تمامی عالم و بصیرت  
 فرای بنی ادم اولان علم تواریخ حد ذاته بر علم رفیع القدر  
 و جلیل الاعتبار و مدبران دولته علم و معرفتی واجب و لازم  
 بر رهبر حقیقت پرور اولدوغی بیاندن مستغنی در فن  
 جغرافیا ایسه علوم تواریخک ضبط و ربطنه مدار عظیم  
 و طریق سهولت رهین اولدوغی ظاهر و نمایاندر زیر ابتداء  
 خلقت حضرت آدمین بوانه کلنجه سرکشدن بنی  
 ادمه و بالجمله وقایع و حوادث روز کان علم و اطلاع  
 تحصیلندن سودمند اولق ارزو و اشتیاقند اولان ارباب  
 معارف کتب تواریخیه بر قوم و قبیلہ نک حال سرکشدن کوروب

و اشد کده

و اشد کده فی الحال محایف جغرافیایی اچوب اول قوم  
 و قبیلہ نک مسکنلری اولان محلی بولوب نظر ایلدکده  
 وارمش و کورمش و وقعه ده بولمش مرتبه ده واقف احوال  
 و قضیه صحیفه دل و درونده محفوظ و ثابت و برقرار اولور  
 ممالک زمین بر اولوشهرک خانه لرینه نسبت اولنوب اکر  
 بتقدیر الله تعالی اول شهرده احراق ظهو رایلسه اول  
 شهرک اطراف و زوایسن و اسواق و کنافن و احراق واقع  
 اولدوغی جهنک قرب و بعدین تشخیص اتمین صاحب  
 خانه بقضاء مبرمدن احتر از نجات و سلامت اسبابی  
 اختیار ایدن منکذلک جهات ممالکدن و دایره دولته  
 اتصال و انفصال و قربت و بعدیت اوزن اولان دوست  
 و دشمن براندن باری اجمالا خیر و آگاه اولیان صاحب مملکت  
 مکر و کید اعدادن و جوار دایره دولته ظهو ره لان فتنه  
 و غلبه ددن امین اولمیه دفع و زنی تدارکنده رحمتلر کمر  
 و حیرته قالور اشاء سفردہ عزیمت مراد اولندوغی جانبیک  
 طریقلری فی الحال تفصیل و بیان و عزیمت مراد اولندوغی  
 محله و ارنجه مابینده واقع اولان مسافه و منارل ساعتلریله  
 و صحر و جبل در بندلریله و انهار و میاه جسرلریله  
 و عقبه و بوغاز و بالجمله مابینده واقع اولان بلاد و قری



و منازل و مراحل اسم و رسم بیله تحریر و بسمه قلم و ب رجال  
و غیریدن هر فرد بر نسخه تحصیل و هر بار نظر ایلد که راهی  
اولد و غی طریقك سهولت و صعوبتی و منزلت قرب و بعدنی  
و سائر احوالی بلك و مقتضاء حال و مقامه کون حرکت  
ایلك دلالی فن مرقومه موقوف و انك خاصه و منافعتدن  
معدود در وجه مشروح اوزن فن مرقومك منافی بی حد  
و بی شمار در انحق خفی بیورلیمه که استبوعر صه که فسیحه  
المسالک عالمه واقع بمالك و قلاع و بلاد من کل الوجوه  
واقع مطابق رسم و تصویر و تحیر قوت بشریه دن خارج  
بر امر در بلکه بر مملکتی و یا خود آستانه سعادت مثال و بر شهر  
عظیمی هزار مهندس حاذق مساحه و اپارایله او چلوب  
تحیر و تسطیع ایلسه من کل الوجوه واقع مطابق رسم و تحیر  
حوصله طاقندن دور بر امر دشوار در اول سبیدن اشکال  
ممالك و بلاد قارطیلری بعض خبط و خطادن خالی اولیوب  
یا جمله ملوک نصاری نیجه مدت بوبابده صرف مقدور  
قیلوب هنوز کندی مملکتلرینی تحت اوزن تحیر و تصویر  
امکان بولد یلر اسلامیان ایسه کند و مملکتلرینی دخی رسم  
و تصویر صرف همت قلم یلر و اطوال و عرض کبابری  
دخی خطادن خالی دکدر و لکن ما لایعلم که لایترک که

مقتضیا سنجه

مقتضیا سنجه بویله ایکن ترک واهمالی روا کور لما مشدر  
و بوحالیه منافع کلی و فوائدنا محصور ی تحریه و مشاهده  
اولنوب بوفنده تقریب مقام تحقیقه نتریل قانمشدر  
فی الواقع عادت عالم بویله درکه ایکی دولت ییننده بعض  
ممالکی قسمت و یا تحدید لازم کلوب حدود امری مکالمه  
و مذاکره اولنق اقتضایلسه من کل الوجوه ممالك  
احوالین صحیفه در ونده حفظ ایلك امر دشوار اولد و غی  
کی من کل الوجوه مجهول اولان یر لر خصوصنده مناقشه  
و مباحثه همان جریده یه مؤدی اولغله بوا مر خطیره  
و واجب دقت و اهتمامه مأمور اولان و کلاء دولت اول طرفلرک  
قارطیلرینی تحصیل و نظر و مطالعه و انلردن مطلوب  
اولان محالرک وضع و هیئت و کیفیت اتصالات و تفصیلاتی  
و قرب و بعدی و مسافه امتداد و اعتراضی و سائر احوال  
لازمه بی معلوم اید نیوب مذاکره یه مکنت حاصل ایدر  
ولکن تحدید قطعی و نصب علایم برله بالجمله حدود تفریق  
و تمیز رتبه سنه کلد که چون هر محل واقع مطابق رسم  
و تعیین اولنق خارج قوت بشر در پس بوحالده قارطیلر ایله  
اکتفا اولنمیوب یر لودن اول طرفلره و قوف تامی اولان  
کسنه لر احضار و استنطاق و تقریر لر ی حریره لر ایله



تطبیق و توفیق قلوب بوجوه خطا و غفلتدن تحاشی  
اولته کلمشدر فلاح الحمد والمنة دولت علیه ده مسالك  
ممالك و اطوال و عرض کما بلری کثرند و ارباب معرفت  
و فطنت و فرند و اصحاب هنرک اثار جمیله یه میل و رغبتی  
حاضر و آماده اولوب مأمولدر که بوفن مرغوبک اساسی  
تأسیس و بنیادی تمهید اولنوب صعوبتی تسهیل و تسویه  
قلند قدن عسکره و وقوع بولان سهو و خطا لرفضلا نك ادنی  
اهتمامیله اصلاح و محسود جمیع ملل و ملوک عالم اولق اوزن  
برصورت مستحسنه یه افراغ اولنه باب ثالث ملوک نصاری  
عسکری و فنون حربیه ده قدمایه مغایرفن جدید لری و طرز  
و طور جنگ لری بیانش در تمهید سنین سالفه ده طوب و توفنک  
خونیا ملات نصاراده قلیت اوزن اولوب قنال و جدال سیف و  
شمشیر خوزریزه حواله شمشیر بازلقدر ایدسه ملل اسلام جملیه  
غالب اولوب بوفند قوت قاهره و قدرت باهره اسلامیه بی  
تماماروی ارضیه ممکن ملل نصاری مشاهد ایدوب  
خوف و هراسه دوشد بلر و بوغم و المدن نیچه زمان حیران  
و سرکردان علا جند هر جانبه دوان و دفعی تدارکنده هر طرفه  
په یان صرف مقدور لرقلد بلر اولاطوب و تقنک و سایر  
آتشین ادواتی کاله ایرکورمک تدبیرنه تشبث بعد عسکر

اسلامک

اسلامک و باخصوص عساکر عثمانیه نك شدت و مهابت  
اوزن اولان جمله و هجوملرینه طاقت کتون میوب بوقضاء  
میرمه حائل اولور بر طریق بولقد مشورتلر و بی حد حصر  
رأی و تدبیر لرقلد بلر عاقبت سعی و کوشش لری و قضایای  
اتفاقیه لری بونیجه بی منتخ اولدی که طوب و تقنک و امور جبه  
خانه لری کمال بولد قدن صکره لشکر منحوس لری دخی بر نظام  
تام و ترتیب قوی الارکایله مرتب و منتظم اوله که لشکر  
طائفه سی اولوم خوفی اندیشه یه و فرار طریقلرین فکر  
و ملاحظه یه مجال بولامیوب خواه و نا خواه جنکه قیام  
و اقدام ایله لاحاله مجبور اولار بعد اثناء مقابله ده جنکه  
متهمی صفو فوری بر نظام مؤکد اساس ایله مستحکم  
اوله که عساکر اسلامک رعد مهیب و برق هاتف کی شدت  
و هیبت اوزن معتاد جمله لرینه اول ترتیب حائل و هجوملرینک  
دفع و رفعی اول نظام ضامن و رهین اولایو بامورده جد  
و اهتمام لری بر رتبه یه واردی که نظام و ترتیب عسکر  
احوالی قیامینهم بر مستقل علمه افراغ اولنوب بوبابده کتب  
تدوین اولندی پس بوجمله دن بالبداهه عیان  
و بالمشاهد نمایان اولدی که عساکر عثمانیه لشکر منحوس  
کفان جمله و هجوم ایلد که جمله و هجومه مانع و بو حرکت رعد



و برق مثالیله كفارك صفائینه وصول و دخولی دافع مجرد  
 لشكر كفارك اثناء مقابله ده واقع مشيد الاساس  
 و مستحکم البنيان نظام غريب الشكل و ترتيب بدیع الطور ليد  
 حتی لشكر كفاردن نيچه نيچه ضابطان و سرکارده اولان  
 اعيان و احوال عسکرایله اشنا ارباب مهارت ايله کوريشلوب  
 مدارا و نوازش خاطرلری طریقنه سلوکیله مذاکره  
 و مواضعه اوزن معاملة برله بوسيره و قوفه و بوحکمته  
 اطلاع اهتمام تام قلنوب باجمله اتفاق ارای و قضایای  
 اتحادلری بونتيجه منيج درکه اکر عساکر قاهره عثمانیه  
 حین مقابله ده مقتضاء حال و مقامه کور ترتيب جنود قوی  
 بازویه و نظام صفوف مبارزان دریا جوشه اهتمام قیلوب  
 مثلا اهل اسلام جماعته غمازده قائم اولد قاری صورت  
 مرغوبه و هیئت مستحسنه اوزن میدان کارزار قتال دخی  
 قواعد هندسیه اوزن طرح اولنوب کرکی کبی تناسب  
 و مساواته مراعات ايله مرتب و مصنف و منتظم صفار  
 اولوب بوسیاقه رغبت و بوطریق حفظ و حراست ایدوب  
 جد از مرصوص البنيان اساقوام و ثبات اوزن جنک وجداله  
 مباشر اولسه لر عساکر عثمانیه تک بو ترتیب و نظام  
 اوزن حرکت و سکون و اقتدار و متانتلرینه ملوک كفاردن

بر فردك لشكري بلکه بالجمله شرمه مشرکین افرادی  
 بریده جمع اولوب اقدام ایاسه لطاق کتور میوب لاجاله  
 انهمرام كفارجاننده وقوع بولق فنون حربیه ده ماهر عقلا  
 عندنده قضایای مسئله دندرو بودعوی مایینلرند نیچه نیچه  
 براهین عقلیه ايله مبرهن اولوب فنون حربیه ده مؤلف  
 کتب قانونلری اجمالا تتبع وار باب دقتلری بروجه مدارا  
 استنطاق اولنوب بومرئیه ده تک تحصیل اطلاع حد  
 امکان اولمسدر اهالی اسلام موجود بهادران وجست  
 وجسور لقه محرب الحال رستماری قهرمانان بالجمله ملل  
 كفارده نابود و ناپید اواسما و جسم معدوم اولدوغی  
 بالمشاهد معلومدر بومرئیه ده کما کر بر بهادر دلیر پانک  
 طاف و مطاف کبی عرصه کاه کارزارده ظاهر و لشکر كفار  
 بدکار و بی شماردن رسم قدیم و عادت دیرینه ملل سابقه  
 اوزن برینی میدان او قیوب مقابله ده دعوت ایاسه هزار  
 و صد هزار لشکر كفاردن بدعوت اجابت و بوامر خطیره  
 مباشرته جسارت ایدر بر فرد کافر بولنر همان بوامر دشواری  
 کوروب بوضدای سامعه خراش کوش منحوس سمعارینه  
 لاحق اولدوغی برله تفنکه ال اوروب ارا قدن قور شونیه  
 تلف قیدنه مسارعت ایدر لر و قهرمان شجیع و شیر هیبت



و ستم زمان بر منحوس مقهور و مریض و مهانات کافران بلکه  
 بر زن بدنام دست تعدی سندن اضاعت قلنور عموما  
 ملل نصاری اعتقادات و عبادات و معاملات دارند احتیاج  
 آید نگرانی کتب سماویه یعنی انجیل و تورات و زیور  
 صاند قاری نگارنده نظام حال رینه واجب و لازم احکام  
 شرعیه لری اولیوب نظام حال دولتری همان برالای  
 قانون و قواعد عقلیه لینه مبنی قلوب جهاد و غزا بایند  
 برد و رلوما موریتلری و مجاهد و مقاتله ضمنند دارا آخرند  
 اجر و صواب ملاحظه لری اولیوب حیوان لای عقل و لای فهم  
 مثالو بو و رطه بی ارتکاب و بومهلکه بی التزام مجرد دفع  
 مضرت غیر و جر منافع دنیوی تحتند اولدوغی مستغنی  
 عن الیساندر قلله الحمد و الشکر و المنة وله الکبریاء  
 و العظمه که انک عنایت بی نهایت و ارادت ازلیه سندن زمره  
 موحدینه امر جهاد و غزافرض و بالجمله جهاد و غزاهدات  
 ضمنند دار دنیا ده منافع مقرر و دار عقباده ما لایعین رأت  
 و لا اذن سمعت و لا خطر علی قلب بشر مراتب و نعم محقق  
 اولغله مشقت مسافرت و مصابت و شداید کارزار و و غایه  
 مبادرت مقتضاء حال و شان اهلای اسلام در افراد اهلای  
 اسلام خلقت و جبلت مقتضی سنجه دخی قوی القلب

و جری

و جری الحال و جسور البسال و بالطبع جست و چالاک  
 و سریع الحركات اولوب افراد کفار ایسه بالطینه خوف  
 و خشیت و کمال کثافت اوزن مجبول جبان و بطی الحركه  
 اولغله اهل اسلامه کون کفارک بو حالی باعث فرصت و قتال  
 وجد الله مدار نصر و وسیله ظفر و موصل غلبه دن  
 معدود برحالت عد اولنور عسکر اسلامه کسوه  
 معتاده دخی خفتنه نظرایله مدار سهولت عد اولنوب  
 کفارید کارک کید و کی لباس نحوست طرازی غایت ثقیل  
 و سرعت و حرکته مانع و حاجز اولوب حین مقابله ده اوتیه  
 و برولازم کن حرکت بر مقدار ممتد اولاسه همان کسوه لری  
 کند و لینی یوروب بی تاب و طاقت حرکته مجاللری  
 قائم حکایت اولنور که خاقان ختای عسکری مرتب  
 و منتظم و بالجمله ترتیب و نظام ملوک نصاری عسکر لینه  
 و جو هیله غالب و بغایت متین و کران عسکر اولوب بالجمله  
 ملوک عالم عسکرینه ترجیح اولنوب قاعد لری اوزن بر محله  
 سفرا یلد کورند دشمنه بر قاج منزل قریب اولد قلرند قونوب  
 کویجه لرنه ترتیب و نظامه عظیم اهتمام آید لر هر بار که بر محله  
 قونار لر در حال اوردولرینک اطرافنه عربیه لینی دیروب چب جون  
 احاطه آید لر و اکا دخی قناعت ایتمیوب فی الحال اطرافنه



خندق قازوب اوردوی ایچرویه الوردلر و جنگلرده طویارینی  
 عسکر اوکینه دیزوب طویایف عسکرلری صف صف  
 اللرنده تفنیک طویارک اردنده حاضر و آماده طوروب کال  
 نظام اوزن صفلری مرتب اولوب نیچه یوز بیگ توفنکی  
 برفتندن آتش ایدرلرولا ییتقطع بو طرزو طور حربه فاصله  
 ویرمیوب مداومت ایدرلر و بحال اوزن اولد قلرنده خصمک  
 بولنره وصولی و غلبه سی بردرلر و حد امکان اولمیوب انجق  
 بولده کیدرکن با خصوص قوند قلری و کوچد کلری زمانده  
 خصم هجوم ایدوب عرابه لرینی اوکلرینه و یانلرینه چکمه  
 و خندق قازمغه آرام و فرصت ویرمکه ظفر بولور حئی  
 ممالک خنای جوارنده ساکن قالماق طائفه سی تاتار  
 عسکرلری کی سبق رفتار و چاپک سوار اولوب ختای  
 عسکرله مقابله و مقاومت افتداری حیز تصور دن دور اپکن  
 عاقبت ترصد فرصت ایله امرای قالماق دن اسن تیشی نام  
 دلیر التمش بیگ قدر عسکر ایله هجرتک سکنر یوز اللی  
 دوردنده خاقان خنای چین خوارک اوزرینه کلوب بو طریقه  
 یوزدی و اسیرایتدی و من بعد خاقان ککند و حربه حاضر  
 اولمیوب لازم اولان یرلره سر عسکر کوندرمک کند ورنده  
 قانون قالدی پس بوجمله یی نبع و مشاهد برله طرفینک

عسکرلری

عسکرلری احوالنه و قوف تاملری اولان ارباب تجربه و اصحاب  
 دقت عساکر عثمانیه نک نظام جدید ایله منتظم و مرتب  
 دشمن عسکرینه ظفر و غلبه سنه بر قاج طریق ملاحظه  
 ایلشلدردر طریق اول سرعه و عجله اوزرلرینه و اریلوب  
 حمله و هجوم و سیف و شمشیر خونریزه تشبیدر طریق ثانی  
 دشمنک زاد و ذخیره سی و امداد و اعانی ورود و وصولنه  
 مدار سهولتی اولان انهار کباردن اریوب و اورمانلردن  
 دخی دور ایدوب اچق یرلره اوت و برو کتر درمک و جنکه  
 میدان ویرمکه اتعاب ایدوب تضییق ایتمکدر طریق  
 اولد کفارک مرتب و منتظم عسکرنه غلبه و ظفر و صفو فلرینه  
 دخوله سییل بودر که همان قورشون یرینه وارلدق عسکر  
 اسلام بکدرل و بکجهت اولوب بلا توقف و بلا تردد عجله  
 و سرعه کوزاچدر میوب آرام و فاصله ویرمیوب علی الاتفاق  
 و الاتحاد حمله و هجوم ایله صفوف کفان قاریشه لربویه  
 اولدق کفارک صف اولد اولان عسکرینه صف ثانی  
 و ثالث و سائر کیر و سنده اولنلره قفادن امداده وقت  
 بولمیوب قوت و مکتلرینه و دوام و ثباتلرینه  
 و متاتلرینه باعث اولان نظام و ترتیبلری فی الحال  
 محمل و مشوش اولور و بودخی مجربا تندن درکه



كفار عسکرينك نظام معهودی اختلال و تشویش پذیر  
 اولدوغی برله بازوی اقتدار لری شکست و قوت نظامیه لری  
 بالکلیه مضحمل اولوب هزار و صد هزار دخی اولسه لر مقاومتیه  
 زهره لری و مقابله یه جرأت و جسارت لری قائم یوب  
 بوطائفه عفریت جبلت میدان شجاعت فارس لری نیک تیغ  
 نیزاب رنگری نه و شمشیر نیل و قرلینه همانا تسلیم کردن  
 انفصام ایدر لر حنی عسکر اسلام جانبدن بگونه شدت  
 و گرمیت اوزن یوروش مشاهد ایلد کلرنده کمال خوفلرندن  
 دمت دمت اولوب یوزی قویی بری برلرینک اوزرینه  
 یقیلور لر و بودخی مجربا تندرکه حمله و هجوم سرعت و عجله  
 اوزن اولسه لشکر کفارک عسکر اسلامه مضرتی اقل  
 قلیل اولور زیرا لشکر کفار صف صف طوروب حمله  
 سریع و قتلند توفنک اتغنه انجق صف اولد طورناره  
 زمان بولنوب باقیلور وقت قالمز اول صف اولد اولناره دخی  
 خوف و خشیت و کمال دهشت طاری اولوب و نیچه سی  
 متخیر و منجمد و نیچه سی توفنک کنی الدن دوشروب عاطل  
 و لایعقل اولور لکن بو محله دخی غفلت اولمیه که عسکرک  
 جنکه دور شدوغی محله اول موقعک و اول یرک دخی مناسنی  
 تنبع اولنق و روز کارک دخی موافقنی کوزه دملک شرط

عظیدر

عظیمدرمگان و روز کار مخالف اولدوغی صورته جنک ناخیر  
 و تعویق اولنق کرکدر انجق حمله و هجومده ثانی طریقنه  
 تشبث اولنور ایسه کفار آرام بولوب والای صفوفلرینه  
 استحکام و یروب نیچه نیچه بهادر لری ایراقدن طوب و تفنگله  
 شهید و مجروح قلوب فرصت بولور وصف اولد اولناره پی در  
 پی قفادن امداد ایدر رک کندویه تقویه بولدر ربحال  
 اوزن عسکر اسلامک نیچه سین دهشت و وحشته  
 دوشورب همان بوحال اوزن برمدت قیام و ثبات حیلله سیله  
 غلبه کفار طرفنه واقع اولق بالمشاهده ثابت اولشدر  
 انجق طریق مرقومه حمله و هجومده سرعت و مبادرت  
 و عسکر اسلامه بویابد اتحاد و اتفاق عدم امکانه اولدوغی  
 تقدیرده طریق ثانی یه سلوک و تدریج و ثانی ایله عمل اولنوب  
 لشکر کفار ایله روبرو جنکه دور شمیوب طرف طرف  
 چالوب و چاریمق و قول و قنادین یملق و انهاردن و اورماندن  
 ایرمق ایله تضییق اولنسه و بوحال اوزن بر قاج کون  
 اشافه یوقارویه کرد یریلوب جنکه اقبال صورته جنک  
 ناخیر اولنوب اتعاب اولنسه از زمانده کندویه ضعف کلی  
 طاری اولق تجربه برله معلوم و مشهود اولشدر و بوضوئیه  
 عساکر اسلامک افراط اوزن کثرته احتیاج اولیوب



همان قلیل و مضبوط و بصیرت اوزن اولان عسکره و  
 کفاردن خیبر و آگاه سر عسکره محتاج درونی الواقع بر دولتک  
 مرتب و منتظم عسکرندن غیری ضیف و شتاده دشمن  
 دیارنه هجومه و حریق و غریق و نهب و غارت ایله تخریب  
 و تضییقه مستعد و قادر عسکری اولدق یازده و قیشت  
 دشمنه راحت و یرمیوب و تدارک دخی مجال قوم میوب بوکونه  
 عساکر انواعنه مالک پادشاه ذی بآس و ذیشان ایله  
 مقاومت مشکل اید و کنده با جمله عقلا نتیجه تسامیم  
 مجبور لر در انجق خفی اولیمه که احوال اعدایه و قوف تام  
 شرط عظیم اولدوغی کبی بر دولت کند و حالنی و قدرت  
 و مکتنتی و عجزینی دخی فهم و ادراک ابلک لازمدر بوامر  
 واجب الادعاندن غفلت اولندقد قوت و قدرت فائده مند  
 اولیوب عدوی عاقل ضعیف دخی اولورسه فرصت بولوب  
 خصمیه ملعبه صبیان طریقنه زاهد اولورحنی بویابند  
 تمثیل طریقیه دیمشکر که فیل قوتن ادراک ایلدسه فیلبان  
 ناتوانه رام اولماز دی آت کند و سن یاسه فارس عاجز  
 و بی رحمه مرکب اولماز دی شتر سرمست حالندن بیدار  
 اولسه ابلک بارین چکوب قطار قطار بر حمان تابع اولوب  
 یدانزدی چونکه براو بحرامهات سفریه ده و خزاین

و نقوده

و نقوده و امور جبهه خانه ده و ذخایرک جمع و نقلند و تجهیز  
 عسکر بیسمارده جناب باری متعالدن دولت علیه عثمانیه یه  
 عنایت و احسان بیور بلان مکت و قدرت معموله افاقه  
 هیچ بردوانه و یرلما مشدرو بویابند با جمله ملل و ملوک معترف  
 و متفقد در و بوی نتیجه پی مداد انصافله امضا ایدر بحیلدر  
 و مع هدایه لشکر کفارک عساکر عثمانیه ایله مجادله و مقاتله یه  
 جسارتی و برمدت صورت غلبه ده کورنمه سی احوال  
 اعدایه و قوفه اسلامیانک کمال نکاسی و منشأ فساد  
 اطلاع عدم اهنمای ولسکر کفارک مطلق محل معرکه ده  
 کمال اتفاق و اتحاد اوزن نظام و ترتیب لینی حفظ و حراست لری  
 اید و کی با لبداهه ظاهر و بوی کونه قوی اتفاق یینه باعث و بادی  
 و اتحاد لینی بالضرره موجب و مستلزم حرد جنگ عسکرند  
 و افع اولان ترتیب غریب و عین اطاعتدن عبارت نظام لری  
 اید و کی آشکارا و لاری فی الواقع اسکرچه بوطانعه حیل  
 آیین شد اید جنگ وجدالی رنگاب خیمند انساب فضائل  
 اعتقادندن دور و مهجور لر در و لکن قوانین و قواعد عقلیه لر بله  
 طوایف لشکر لری بوی کونه ضبط و ربط و منقاد قاشلرکد نیجه  
 یلک لشکر منحوس کفار همان بر قیل ایله قنار فصیله یلک  
 درجه امکانه وار مشدر ادیان سالغه با جمله ناقصه یعنی



شریعت باهره محمدیه دن مقدم ثابت اولان ادیان اربانه  
 جمیع امور ازنده و یومافیه و ماضیه و بولان حوادث و وقایع یومیه  
 و لیلیه نك حلند نظام حالرینه کفایت و مبهمات و مشکلات  
 معاقدنی فتح و کشف و فایده ایدر احکام شرعیه لری  
 اولیوب اکثر امورده احکام عقلیه لرنه مراجعت مجبوراید باز  
 و حال ملل نصارا نك انتظام حاللرینه دائر احکام الهیه لری  
 یعنی اعتقاد لرنه طرف حقدن وارد و صادر اوامرو نواهی  
 و دعوی و زاع لرنه مشکلاتی فتح و حل ایدر حک مسائل  
 شرعیه لری اولیوب نظام حاللری همان عقلیه اختراع  
 ایلد کبری قوانین و احکام لرنه منوطدر حمد نام حمدادین  
 و دولت اسلام کامل و بوامت خیرالبشر یا جمله امورده  
 ظهور و حدوثی ممکن و قایع یومیه نك حق اوزن فتح و حلند  
 الی آخر ان زمان نظام حاللرینه کافی حق و باطل تمیزنه  
 وافی احکام الهیه و مسائل شرعیه برله با جمله امه ممتاز  
 و مفصل قانمشدر اول اجلدن شریعت باهره محمدیه الی  
 یوم القیام باقی و حبل متین شرع شریف الی انقراض الدوران  
 انقصام و انتقاصدن بری اولوب بعض اوقانده با تقدیر  
 خدای متعال عسکر اسلامه وقوع بولان انهمزام احکام  
 شرعیه اجرا سنده تقصیراته وعد الله عدم اهتمامه

و حسن سیاست ایله ضبط و ربط طر مساحه یه امور عظامی  
 نااهله سیار شه رأی و تدبیرده و مشاوره عدم مبالاته  
 و ارباب و قوف و امور دین اولنلرک رأی و تدبیر لریله عملدن  
 استنکافه و تدبیر عسکرده مساهله و آلات حربیه  
 استعمالند جهله عسکرک امر اوضایط اتندن عدم خوفنه  
 و جمله دن استنع طمع ارتشایه و بوکا مانند دشمنک طرز  
 و طورندن بی خبر اولمغه و جنکه متهپی اولدوغی صورت  
 و سیاقدن غفلته و سائر احوالنه و قوفه عدم رغبتنه که جمله  
 مشرعا و عقلا باعث فساد و اسباب انهمزامدن عدا و لشمشدر  
 و کذلک حسن ترتیب و نظام ضبط و ربط و قانون انقیاد  
 عسکر و اسباب اتفاق و اتحاد قلوب عسکر و بینلرنده  
 طریق توادد و موافقه سعی و تفرق و معاداتدن اجتناب  
 اولنوب و حرکات و سکنات لری برلرینه موافقت باعث غیرت  
 و جیمتدر و بوجمله مقدمات حفظ و مراعات اولند قدن  
 صکره دادحقه و قادر مطلق جناب خدای لم یزله حسن  
 اعتقاد و توکل و معجزات باهره رسول کبریایه توسل باعث  
 نصرت و سبب ظفر و مظاهره ایدوکی اظهر من الشمس  
 و این من الامس در و لعل سلاطین ماضیه نك ترتیب  
 عسکره دائر احداث ایلد کبری قوانین حربیه و قواعد



میاسیه احکام شرعیہ تک عدم کفایتند و یا اگر مخالفند  
 ناشی اولیوب بلکه اعدای بدکارک نظام قوی ایله ارتباطی  
 و ترتیب غریب صفوف رجال قتال ایله کند و اینه متانت  
 و استحکام و بردکاری احوالربنی مشاهده ایدوب مقاتله  
 و مجاهد شدن اینه مصابرتہ عسکر اسلامی کرہ و احکام  
 شرع شریف اجرا سنه و حد و داللهک حفظ و وقایتنه جبر  
 ایچون بعض قوانین حربیه و قواعد ضبط و ربطک بسط  
 و تمهیدینه محتاج اولمشلرد و وقتناکه لشکر مخصوص کفارک  
 حاکم موحدین ایله مقابله ده به مرتبه ده جسامت اینه  
 و حمله و هجوم رعد و برق مثال اسلامیان مدافعه ده مکت  
 و اقتدار اینه و به ورطه قیامت اسایه بی فائده اخروی  
 مصابرت اینه و به گونه شدن رده دوام و ثبات اینه باعث  
 و بادی مجرد کفارد و زخ قرارک حین مقابله ده واقع اتفاق  
 و اتحاد اینی بالضرور موجب ترتیب و نظام صفوفی  
 اولدوغی بالبداهه عیان و نمایان اولدیسسه پس شرعا  
 و قانونا اتفاق و اتحاد و یکنه کی و اطاعت و انقیاد و یک شناسی  
 و کانهم بنیان مرصوص مقتضاسی اوزن صفوف قتالده  
 یک دل و یک درونی و یک جسمی و یک لحمی شان  
 و شوکت اسلام و واجب الاداعلم حال اهل ایمان اولوب

بوطریق

بوطریق نصرت خمینه سلوکدن تکامل و رهبر مظاهرت  
 و هینه اقتدادن تعافل و به همت مرام رسیدن ده ر خاوت  
 و تهاون شایسته ذمت اولی الابصار اولدوغی ظاهر در اشتیاق  
 نظام عسکر تعبیر اولنور فن غریبک موجود لری اولان ارباب  
 دانشک قول و قوارلری بونک اوزرینه جاریرکه اولالسان  
 عسکرده اورتہ و یا بایوک و یا جماعت تعبیر اولنور بر بایوک ناس پیاده  
 سوارا کرچه اکثر یک و یا یکی یک نفر در لکن بشیور نفر دن  
 مرکب اولوق غایت مستحسن در اول اورتہ کثرت ضابطان  
 ایله استحکام و متانت بولور و ضابط نفرینی و نفر ضابطینی  
 و هر فرد یکی و اسکیسنی و اوسننک و النند اولان یولداشتی  
 اسم و رسمیه و هنر و استعداد ایله معرفت و تمییزه کرکی کی بو  
 صورتک قادر اولور و به مقوله اورتہ و یا بایوک و یا جماعت محل  
 اقتضاده صف صف اولوب طوعا و جبر او کرها و قهرا  
 قوللنور ثانیاسوار و پیاده عسکرده بر اورتہ و یا بایوک نفرات  
 و ضابطاتک کیدکاری لباسلری بالجمله یک رنگ و یک کسم  
 اولوق شرط عظیم در زیر انخوف و مخاطره ده بالطبع خائف  
 و خاین اولنور کریره و ادبان طریق بولا مز اورتہ سنندن منفک  
 اولدوغی برله لباسندن حالی معلوم اولوب جزاسی ترتیب  
 اولنور لباسندن تشخیص اولنمدوغی تقدیر ده غیر پاره



قاریشوب فران مجال بولور و تشویش واختلاله و انهم زامه باعث  
 اولور حتی اوائل دولت علیه ده عسکریده و غیریده تخصیص  
 لباس اولیوب هر فرد بولدوخی و دلردوکی لباسله ملبس  
 اولور مش بعد عسکریدن عسکری اولیان ناس سچلمک  
 و اصناف عسکری دخی بری برلندن تمیز اولنق ایچون  
 عقلانک رای و تدبیر اصابت پذیرلی توسطیله هر صنف  
 عسکره بررکونه کسم لباس تقدیر اولنشد در ملل نصاری  
 لشکرته ایسه مجرد لباسی تنويع ايله اکتفا اولمیوب  
 اصناف عسکرده سوار و پیاده دن هر بریاوک و یا برورته  
 نفراتی یک رنگ کسوه ايله لباس اولنشد در بونک منافع  
 عظیمه سی تجربه برله ثابت اولنشد و بعض کتب لاتینه ده  
 تحریر اولنور که پادشاهان سالفه دن بعضیلری ملل  
 نصارانک ترتیب و تجهیز عسکرده تنويع لباسارنده واقع  
 خدعه حریبه لرینه واقف اولوب اوجا قلمی ترتیب  
 و لباسارین تنويع و قانونارین وضع و تقدیر مطلق نصاری  
 عسکری نظامنه قارشد و اکامقابل اولنق ایچوندر الحق  
 بووضع قوی و حسن ترتیب ککرکی کبی مرعی و مراعات  
 اولنسه نصاری عسکری ترتیبینه غالب اولنسه ده هر حال  
 اکامقابل و معادل اولنقد قطعاً اشتباه قالماشدر ثالثاً

بشیوز نفر دن مرکب اولان پیادگان اورته سنه بشیوز  
 عدد بویونفنک موجود اولنق و اول نفنکار در همه و میزاند  
 و بارونک و خفت و ثقلته با جمله مستوی اولنق شرطدر  
 تاکم حین اقتضاده جمله نفرات یکبار طولدر مقدمه یک  
 فتلدن اتمقه و قالدر مقدمه و ایندر مکمل مساوی اولوب  
 بری برلینی سبقت و مسارعتن تحاشی ایدرک ضابطارینک  
 امر و اشارته منتظر و منقاد اولوب نکاسل ایدنه اشد جزا  
 ترتیب اولنه سوارینک دخی مقتضای حالی بودر انحق سواری  
 بلوکلرده بشیوز بوی نفنکندن غیری بشیوز چیفت قبور  
 طبعه سی یعنی بشیوز پشت و بولنق شرطدر حتی خلقی  
 کثرت اوزن اولان دیارلرده عسکر تحریر و ترتیب و تجهیز  
 ایلد کلرنده ادملرک بوبلرین اولوب قد و قامتد برابر  
 اوللرینه و کذلک سواریده انلرینک بوی ایلل اولچیلوب  
 مساواته اهتمام ایدر کرک بو حالت و کرک تنويع لباس امری  
 فوائد سائر دن غیری بوهیت اوزن اولان عسکر غایت  
 هیبت و نمایشل و اولور رابعا اورته و بلوکلرده ضابطان کثرت  
 و وفرت اوزن اولوب حتی بشیوز نفر دن مرتب اورته نک  
 عن اقل ربعی ضابط اولنق باعث متانت و سبب نظام  
 و وسیله ضبط و ربط و موجب دوام و ثبات در ضابطان



دخی ایکی قسمه منقسم اولوب بر قسمی مثلا اون باشری  
 واک امثالی نفراتیله معاد داخل صفه طوروب جنکه  
 مشغولدر بر قسمی جنک ایتدر مکه مأمور صفاردن خارج  
 امام و خلفه و عین و یسارده خصمک حال و حرکتنه نظارت  
 برله اورته نفراتک تصفییه و تنظیمه و محل و مقامه کون  
 امریالمعروف و نهی عن المنکر ایله و تقصیرات ایدنلره نغزیر  
 مارمه ایله مقیددر و عسکر طائفه سنه جنکه متعلق  
 قانونلری اقل مرتبهده ایدن برکزه جمله نک مواجهه سنه  
 هلسافرات اولنوب هر فرد ضابط و نفر اعلی و ادنی بصیرت  
 اوزن اولوب وظیفه سی و ماوجب علیهمسی اولان قانونلره  
 موافق حرکت ایله محکم تنبیه اولنور و مخالفت ایدنلره جزای  
 شدید ترتیب اولنور احوال ضابطان رتبه و رتبه  
 اعتباری اوزن مبنی و استغیبه اولان ضابط اوست  
 یانسه اولان ضابطه انضیاد واک تقری حکمنده اولوب  
 علوفه لاری دخی علی مراتبهم تفاوت اوزن و قطع مراتبلری  
 طریقندن بر درلو شفاعت قبول اولنوب بوعالت  
 تشویش و اختلاله و اختلاف قلوبه و بری برلرینه بغض  
 و غرضه تصدی یا بای اولمغله بوقانونه رعایتده اشد اهمام  
 واجبد بر الجمله نفراتک علوفه لری مساوات اوزن اولمغله

باس یوقدر و لکن ضابطانک تفاوت و هر برینه حالنه کون  
 کفایت مقداری اولمق لازمدر تا کیم نفراتک علوفه لری  
 محتاج اولوب طمع ایتیهلر و باخصوص اورته دن طمع  
 تقریبیلر برنفر نقصان ایتیهلر بوفسادک ضرری عامه یه  
 راجع اولمغله بگونه طمعده جسارت ایدنلره اشد عقوبت ایله  
 جزا ترتیب اولنه کلمشدر و جنکه عادلرند ترغیب و شدنلره  
 تحمله تشویق علوفه لره از دیاد و ضمایم ایله اولیوب بایکه  
 بومقوله خدمتده بولسان نفر اولورسه بوکا اکرام ضابطلق  
 ویرایکله و ضابط اولورسه طریقندن ارتفاع و بالایه  
 تدرج ایله اولوب اصحاب استحقاق و هنر و لری قدر لری  
 بلنوب سایرلردن بگونه امتیاز ایله ممتاز اولورلر خامسا اشاء  
 مقابله ده جنکه مباشرت وقتنده آلائی ایکی نوع اولمق کرکدر  
 بری آلائی اول یعنی آلائی مقدمدر که دشمنک آلاینه قارشو  
 طور مق ایچون حاضر و آماده اولور ایشو آلائی اول کومه دن  
 میچلوب و میدانده حقوب و خصمه قارشو صف صف  
 طوروب دشمنک مقداری تخمین اولندقدن آکا کون  
 ترتیب اولمق کرکدر و لکن طوپلنوب کومه کومه اولمق  
 کرکدر بایکه جماعت مسالین نماره طور دقده قواعد هندسیه  
 اوزن طرح اولنوب کمال تناسب و مساواته رعایت و اتمام



برله طولانی صفار بغلیوب و صفجه طوروب آهسته  
 آهسته دشمن الابرینه قارستوب صورند واریلور صفدن  
 ایریاوب بر فردك ایرو کتیه سنه ویا برایق کیر و قالمسنه  
 بردور لوعلت و بهانه ایله رخصت و پرلرزیرادر حال آلاپه  
 شکستلك واقع اولوب فساد عظیمه باعث اولور ایکیخی  
 الای الای مؤخر در که دیب الای الای اولور بوالای خانی اولکی  
 کی واکامته وازی صف صف اولوب ایکی الای اراسنده بر  
 مقدار مسافه فاصله قلوب قفادن علی التعاقب آهسته  
 یوریوب پی در پی ولاینقطع اولکی الایه امداد و اعانت  
 اوزن اولمورد اولکی الایک صفارنده وقوع بولان ثله ور خنه  
 و کدکاری عجله سد و بند و تکمیله سعی اولنوب مقتول  
 اولنلرک یرلرینی برآن بوش و خالی قومامق کرکدر  
 زیرا همان بر مقتول و حجر و حه بش اون آدم یا پیشوب اول  
 صف بوزلغله دشمن فرصت بولوب اول طرفه صرف مقدور  
 ایدر بوعالده ایسه بر آدمه مرحمت همان عالمه خیانت کی  
 اولور و باش کسوب یرینی بهش قیوب بخشیشیه وارمق  
 بومحله هنان به کابکر فساد عظیمدر لکن چته لر و غیر محال  
 بو وقتیه قیاس اولنمیوب اولنلرده باب اعتبار و کرم مفتوح  
 اولوب خلفی ترغیب و تحریص اسبابی بسط و تمهید اولنمق

کرکدر

کرکدر و بوابکی الایک بوهیت اوزن تنظیمنده نیچه نیچه فائده  
 و حکمت وارد در از جمله اول مقابله وقتی بر وقت ضیق و قیامت  
 آسامهیب و پرو خشت و دهشت محل اولوب الای خلقی  
 قیاس مرقوم اوزن مرتب و مصدق اولد قجه بری برلرینه  
 امداد و اعانتلری قابل امکان دکلدر لکن ایکی الای دخی  
 نظام مرقوم اوزن ترتیب و تنظیم اولندقد دشمن یوزینه  
 قارستو اولان صفارده بر قوله دشمندن افات ایریشوب  
 ضعف طاری اولسه دیب الایده اول قولک قفساسنده  
 و برابرند اولان قول همان وقت فوت اولمازدن و دشمن فرصت  
 بولمازدن یرینه یکرکذا فکذا سائر محالرده دخی هر بلوک  
 اوکنده و یقین و خدا سنده اولان بلوک امداد و اعانت  
 واکانتلر تیلله مأمور در حنی الای اولد بر قوله اولان  
 هسکر صفارینه فساد طاری اولوب دیب الایده اول قولک  
 قفساسنده اولان رخسوت و نکاسل ایدوب وقتیلله امداد  
 ایلمسه بعد المحاربه اول رخاوت ایدن قولی بالجمله ضابطان  
 و تفراتیلله قتل عام ایدر لر فائده الای صفوفلری وجه  
 مشروح اوزن مرتب و منتظم اولوب وجدال بوسیاق  
 اوزن بسط و تمهید اولدقد سر عسکر اولانلره سهولت  
 عظیمه حاصل اولوب عسکر قوللنمق اسان اولور و تقصیرات



مهمتی اسناد ندن بری اولور والا اول روز محشر هیبت  
 سوزد کلن فرمان نافذ اولمز رای و تدبیر رزین دخی اولورسه  
 استماع اولمیوب کون و فساد عالمی خلقی بوندی هرج و مرج  
 اولوب صاحب هنر و فساد اولنلر معلوم اولنلر تنبیه بر  
 سردارو یا سر عسکر بر خطا ایله عزل و برانهمر امله قتل  
 و تأدیب اولنق و ادکلدرز بر ابر مقابله ده مجرد کندو  
 عسکری احوالنه و قوف تام حاصل و دشمنک حیل و خدعه  
 سمترین فهم و معلوم ایدنک امر دشوار الحصول ولد و غندن  
 قطع نظر رای و تدبیر ظاهرده بی قصور دخی اولورسه  
 هر بار تقدیر موافق اولد کچه فائده و برمز حکایه اولنورکه  
 فرانسه دولتی ایله اسپانیادولتی بیننه زمان سابقه برودت  
 دو شوب مدت مدیده بلکه همان قرق سنه نازه عداوت  
 اشتعال بولوب قتال وجدال علوی اطفال و سکونت  
 بولامش ایام مرقومه ده فرانسه دولنده بر بیر دانا قرال  
 بولنوب اسپانیاعسکر یله مقاومت ایچون تجیز قلدوغی  
 عسکرینه یتنه رجال دولتندن عاقل و مدبر و قنون  
 حریبه ده کامل ظن ایلدوکی برکسنه بی انتخاب و امور  
 عسکری اکاذغویض و سیارش و بواسر خطیری رای  
 و تدبیرینه و دیعه قیلوب علی وجه الاستقلال سر عسکر

نصب و تعیین ایدر سر عسکر مرقوم دخی اگرچه امور ندن  
 رخاوت و تمهاوندن بغایت تحاشی و بصیرت اوزن حرکتدن  
 بر آن خالی اولماز ولکن تدبیر تقدیره موافق اولمبنجه هزار  
 جد و اهتمام فائده و بر میوب سر عسکر مرقوم یدی سنه  
 علی التوالی منهزم و اسپانیاعسکرینه مغلوب اولدی پس  
 بو حال حیرت اشتمالی فرانسه خلقی کوروب بالمله  
 رجال وناس قرالک حضورنده جمع اولد پلر و فریاد و فغان  
 قلد پلرکه بوسر عسکر بدبختی عزل ایدوب حقندن کلنک  
 کرک یدی سنه درکه دشمنه مغلوب اولوب راحت و اسایش  
 حالیزی مکدر قلدی بوندن به یله بونک یوزندن اثر غلبه بردلو  
 مأمول و ملحوظ دکلدر دیو عزل و تأدیبی بایند ابرام و الحاح  
 قلد پلر قرال مرقوم اگرچه پیر فانی ولکن امور دپده و کار  
 از موده مجرب الاحوال حکمت اشنا اولمغله شکایتلرینی  
 اصفا و مطلوبلرینی قبول قلیوب رد جواب ایلدی که افراد  
 نوع بشر خطادن خالی و سهو و نسیانندن بری و ملق ممکناتدن  
 دکلدر هر کیمکه سر عسکر نصب اولنسه مادامکه بشر در  
 اندن سهو و خطا ظهور ایلماک و هرامرده اصابت ایلک  
 طاقت بشردن دور بر معنی درالحق سر عسکر مرقوم  
 یدی دفعه انهمر امنده دشمنک یدی عدد حیل و سنه و قوف



تخصیص و کند و حرکت کند دخی پیدی عدد خطا تقصیراتند  
متیقظ و متنبه اولدی اگر طرفه باد غلبه وزان اولق  
مقد رایشه ینه بونک یوزدن ظهور کملک ماحوظ در دیوب  
سر عسکر مرقومی ابقا و مقرر ایلدی با حکمت خدا  
همان اول سنه ده غالبیت مرقومک طرفه واقع اولوب  
من بعد خیم حیل و خدعه یه طریق بولامیوب عاجز  
و درمانده قالدی اصناف لشکر ملوک نصاری ملوک  
نصارانک فیما بینهم معتبر عسکرلی اوچ صنفدر اولکی  
صنف پیاده و ایکنجی سواری و اوچنجی صنف کاه پیاده  
و کاه سواری اولور اولکی صنف پیادکان صنفیدر عوما  
انفانترا نسیمه ایدرلر پیاده نفره علی الاطلاق صولتاد  
تعبیر ایدرلر بونلرک یات ویراقلری انحق بر بوی تفنکی ایله بر  
بایلو تنایه منحصر در بایلو تناید کلمی بر اوزنجه اقوا یوللو بر  
صوری التدر صولتادانی دائمایند طاشتر اقتضا ایلد که  
انی تفنک اوچنه طاقوب حربیه یرینه دور تجک محله  
استعمال ایدرلر بوعسکرک قوت و ممکن بوندن عبارتدر که  
کمال مرتبه ده مشق کثیر وادمان وافر تقریبیله نظام  
اوزن صفه طور مقدر توفنکنی نیزچه طول دروب و جنک  
موقعنک اقتضای سنه کور بین و سار دونک طورند مع

وماهر اولمش اوله غرانا دیر دید کلمی عسکر دخی صولتاد لردن  
معدود در یعنی رکندلری ایکی بیک نفر دن مرکب اولمش  
اولسه ایچلرند کوچلی و قوتلی اولنلری انتخاب ایدوب هر  
رکندن ایکیشریوز نفره اوچر عددال خومیره سی ویریلوب  
بونلره غرانا دیر نسیمه ایدرلر رکندک ایکی بونوزینه تعیین  
ایدوب طور درلر متر سله هجومه و دشمن عسکرلی  
صفه یرینه وصوله استعمال ایدرلر ایکنجی صنف که دراغون  
نسیمه ایدرلر نلرک کرچه اتاودر و انکن اقتضا ایلد و کی محله  
پیاده اولوب جنک ایملک بونلرک وظیفه مالزم لیدر  
و بونلرک یات ویراخی هر بوندن بر بوی تفنک و بر چیفت قبور  
طبا نجه سی ویریلوبش که ایکی یوزی کسکن قلع بونیده لکن  
طوغری و صوری برالتدر بونلردن غیری هر بوندن بر بالته  
موجود در که مترس و خندق و سیت ایچون اغایح و چالی  
و چرپی کسرلر بونلر پیادکان و سوارینک خد متلرینی بیلورلر  
و تعلم و مشق ایدرلر و چته لره و سائر اقتضای دن محالره کوندرلر  
اوچنجی صنف سوار عسکر در که علی الاطلاق قواله ریا  
نسیمه ایدرلر و بونلرک نفراتنه رایتار و قوراشی نسیمه ایدرلر  
و تیردن جبه کیرلر و دائما بار کیرلر و زن جنمکه قیام ایدرلر و بونلرک  
سلاح و بساطی بر قره بنادر که بوی تفنکدن عبارتدر



ولكن صولتادك تفنكندن بر مقدار قصه در انكچون  
 قره پسر دخی نسیمه اولنورلور بر چیفت پشتو و بر بالوشلری  
 وارد بونلرك قوتی بار کیرلری توانا و کند واری کوچلی وقوتلی  
 اولمقدن عبارتند و اکثر بونلرك جنکی تفنك ايله درگاهجه  
 خصمه قریب اولد قده بالوشلرین دخی استعمال ایدرلر پس  
 ملوک نصاری نك حرب و ضربه متعلق جنك اموری بالجمله  
 اشبو اویچ صنف عسکرک عملیله اولور و کرک جنك و کرک  
 مترس و لغ قازمق و طایفه یایمق و کرک انلره لازم اولان  
 چبوق و چالی و سیت الحاصل جنك و جنکه دائر خدمت  
 هر نه کونه اولور سه اولسون جمله سنی اصناف ثلاثه  
 عسکر علی السویه کور ملودر بونلر کونه خدمتدن عسکریدن  
 بر فردا سنثنا و نماز اول اجلدن عسکر تحریر ایلد کلرند  
 نفرات مقوله سنی اکثر یا اهاالی قری دن جمع و تحریر  
 ایدرلر زیر ابلا داهلی هر پرده تن پرور و راحت پرست اولوب  
 قری خاکی ایسه رنج پرلکی وار غادلکی حین صبا و تدن اعتیاد  
 ایتمکله تعب و مشقته زیاده تحمل ایدرلر صورت ترتیب  
 لشکر نصاری ملوک نصاری لشکرلرند اورتیه و بابوک  
 و یا جماعتدن عبارت اولان رکند نفراتنک اگر چه عددی  
 اطراد اوزن اولیوب بررکمند بشوز و ییک واپکی ییک

وزیاده

زیاده نفر دن دخی ترتیب اولنور لکن سهولت ایچون حسن  
 نظام اوزن رکند نفراتی قومیا نیالره یعنی اوطه لره توزیع  
 و تقسیم اولنوب پیاده رکندی قومیا نیالرنده یعنی اوطه لرنده  
 یوزر آدم بولمق و سوار بده عن اقل سکسن آدم بولمق شرطدر  
 و ضابطانک کثرتیله متانت و پریاوب رکندلری هر نه مقدار  
 آدمدن مرکب اولور سه اولسون بهر حال اول رکند  
 خلقنک عن اقل ربعی مقداری علی مراتبهم اعلی و ادنا  
 ضابطانن عبارت اولمق قانونلرنده شرطدر مثلاً بر  
 پیاده یعنی صولتادر کند ی ایکی ییک آدمدن مرکب  
 اولسه عن اقل بشیوز ضابطه محتاجدر سائر عسکرلری  
 اصنافنده دخی قاعده لری بودر احوال رجال عسکر قرق  
 الی ییک عسکره سر عسکر تعیین اولنوب اول سر عسکرک  
 معیننه صاحب رأی و تدبیر ارباب اسنشان دن یکرمی او توز  
 مقداری رجال دخی ضم اولنور که سر عسکرک حرکتی بالجمله  
 یورجالک مشورتلریله و اتفاق آزار یله اولغه محتاجدر  
 و یورجالدن هر برینک بو یئنه بر خدمت باری تحمیل اولنور  
 قانون استرازا و یارولا استرازا مطلق لسانلرنده بکلمکه  
 دیرلر بو محله قیر اولدن عبارتدر یارولا دید کلری بر وضع  
 قریب و امور مهمام سفریه و الزم لوازم حریبه دن عد و شمار



ایلدکاری بر امر واجب الاهتمام در پس لشکر نصاری  
 سفره عزیمت ایلدکاری کوندن قراول و پار و لا قاعه لرینه  
 ضابط اهتمام ایله مراعات ایدر لر و حرکت ایلدکاری کوندن و  
 محلدن ابتداء لرله هر قونا قده و هر کونده رجال عسکر سر  
 هسکر ک یا نه جمع اولوب دیوان قوریاوب و جمله دن اول  
 کیجه نك و کوندن یزك قراول لر امرینی کور و ب طرف  
 طرف قول قول قراو لر ار سال و او زر لرینه معتبر و معتمد  
 ضابط لر تعیین اولنور قراول امری صورتیه افراغ اولند قده  
 زید و عمر و و بکر مثالو بر لفظ مهمل تخصیص اولنوب اول  
 لفظ بی معنا پار و لا نسیمیه اولنور و رجال و عسکر دن پیاده  
 و سوار رکندار ک هر برندن برر معتمد ضابط پار و لا نك  
 اخذ و تبلیغنه متعین اولمغله جمله دیوانه موجود بولنوب  
 حلقه مثالو دائره اولوب پار و لا لفظ نك صد و و و و دینه  
 منتظر استاده طور لر سر عسکر پار و لا وضع و تخصیص  
 ایلد و کی کله بی رجال دن مقرینه و اول دخی قرینه کذا  
 فکند دائره خلقی بری بر لر نك قول اغنه فصلد ایوب ییلرند  
 معهود اولد قده رکند ک یوامره مأمور ضابط لری رکند لرینه  
 واروب رکند قول و نالزینه مخفی خبر و بر لر و انلر دخی  
 او طه لرندن قراوله مأمور و مهیا اولانلره پار و لا لفظنی

مخفی بلدر لر فعلی هذا اول لفظ معهود مثلاً زید اول کیجه نك  
 پار و لا سی اولوب قراول و بولنان نو بختی او زرینه بر کسینه  
 ظهر ایدوب کسسه در حال کسك دیو خطاب ایدر و در عقب  
 پار و لا ندر دیه سوال ایدر پار و لا دن بی خبر اولمغله مخاطب  
 نیزجه جوابه قادر اولمیب تردد اید و کی کی ییکانه دن اید و کی  
 معلوم اولوب نو بختی انی اخذ و و یا اهلا که سرعت ایدر  
 وقفاسنده اولان قراوله خبر ایدر و اول دخی قفا سنده اولانه  
 کذا فکند اقر اول کومله ری بر ر اوق اتمی مسافه ده و دخی  
 صقجه دیز یوب بر قول و بکونه وقعه ظهر ایا سسه بو خبر  
 فی الحال او رد و لرینه و سر عسکر و رجاله و اصل اولور و دشمن  
 قریب اولد قده پار و لا یه بر تقریب ایله و افا و احوال لرینی  
 تجسس فر صند بولسون دیوگاه اولور که کیجه ده ایکی دفعه  
 پار و لا لفظنی تبدیل ایدر لر و قراو لرینی محل و مقام ک  
 اقتضاسنه کون ترتیب ایدوب او رد و لرندن هر جانه  
 قحاح ساعت مسافه یه و انجه ترتیب ایدر لر و قراو لرینی  
 یه قلعه معتمد و معتبر رجال متعین اولوب پی در پی حال لرینی  
 تحقیق و تجسس ایدر لر قواعد و شروطه مغایر ادنی  
 قصصیرات و مسامحه مشاهد ایلد کزنده قراولی بلا امان  
 قتل ایدر لر قانون صفر لشکر نصاری چون ملوک نصاری



هسکراری سفرده و حضردہ گاه فنون حربیہ تعلیم و تعلیم  
 و گاه ضابطہ قیولرندہ لیل و نہار شدت اوزن نوبت  
 یکلمکله و گاه امور جنگکہ دائر خدمت لریله دائماً اشغال اولنوب  
 سفرارده لازم کلان خدمت لرایم خالیہ ده فراموش اولنماق  
 ایچون علی النوالی والنوام قوانین حربیہ و مراسم سفریہ  
 اجراسی بلاد و قلاع یازلا و قشلاق و سائر بولند قاری  
 محالردہ درکاردر پس سفر لری متعین اولدوغی کی بر محلہ  
 تجمع ایدوب اول امرده عسکر لرینی کمال دقت و اہتمام ایلہ  
 یوقلمہ ایدر لر و همان اول محلدن مقدمہ جیش و دمدار  
 جیش تعیین و افراز اولنوب قراوللر قانونلرینہ زیاده دقت  
 و اہتمام ایدر لر و ہنوز کند و دار و دیار لرنده امنیت ایکن  
 یوامر واجب الائمائی ترک اتمیوب مداومت ایدر لر حرکت  
 ایلدکرنده سیر و مشیہ لرنده نظامی حفظ ایدر لر قوناقلرنده  
 کذلک اہتمام ایدوب اوردولرینہ عرابہ لردن طاہورچکر لر  
 برقچ قیوقیوب اول قیولری بکر لر و اوردولرینہ بیکانہ  
 قومیوب مظنہ و شبہہ ایتدکری کسنہ لری کر میت ایلہ  
 مفتیش و تجسس ایدر لر و بوجملہ اہتمام خصمک بر طریقہ  
 کندولردن دل و یا خبر المامق ایچوند رخصمہ تقرب  
 ایلدکرنده عرابہ دن طاہوریلہ اکتفا اتمیوب خندق ایلہ

قوناق

قوناق بقوناق اوردولرینہ استحکام و پرورلوقوناقل و جنگکہ  
 چرخ فلک دخی استعمال ایدر لر دشمنہ دل و یرمکن  
 ہر حالہ احتراز و دشمندن دل المغہ غایت اہتمام ایدوب  
 بو خصوصہ بذل اموال ایدر لر صورت حرب و قتال  
 نصاری ملوک نصاری عسکر لری بری بر لریلہ و یا غیر خصمک  
 عسکر یلہ مقابل اولوب جنگکرنده حفظ و مراعات ایلدکری  
 قاعدہ لری بودرکہ ذکر اولنور مثلا اون ایکی بیک  
 مقداری لشکریدر پنج افرنجینہ اول مقدار عسکر یلہ جنگکہ  
 دور شد قدرندہ اول اول عسکرک نصفی یعنی الی بیک  
 کومہ دن سچلوب آلائی اول اولورلر و خصمہ قارشوعزیت  
 ایدر لر لکن کومہ کومہ اولوب کتزلریلکہ قواعد ہندسیہ اوزن  
 طرح اولنش خطوط مستقیمہ اوزن کمال تناسب و مساواتہ  
 مراعات ایدوب کویا جماعت مسلمینک نمازده واقع  
 ہیئت مرغوبہ لرنہ تقلید و اہتمام برلہ نظام اوزن صف  
 صف اولور لر سر عسکر اورتہ ده قرار ایدوب صاغ قولہ  
 وصول قولہ رجالدن مدبر لر تعیین اولنور وینہ اوچر دوردر  
 رکند اوزینہ رجالدن برمدیر و مباشر تعیین اولنور بوجہ  
 اوزن آلائی اولدن عبارت اولان الی بیک ادم قارشولرنده  
 اولان خصمک حرکتہ کون اقتضاسی اوزن اوچ و یادورت



و یا بش و یا الی صف اولوب بری برینک اردنجه طورنا  
 قطاری کبی صفار بغلیوب طور رلور رکنند قومیا نیلاری یعنی  
 او طه لری مضبوط و عسکر دخی بوفند معلم و ماهر اولمغه  
 نظام اوزن دزلمکده چندان زحمت چکمز لر مثلا بورکنند لر  
 بیکر آدمدن مرکب اولسه الی رکنند او طه لری قوش قنادی  
 کبی اچلوب الی صف اولور لر و هر صف بیکر آدم دزیاوب  
 الی صف بری برینک اردنجه سنجاق لری کشاده الی  
 قات طولانی محکم دیوان دوزو کد الک دیب الای ایچون باقی  
 قلا الی بیک آدم دخی بوضورت و هیئت اوزن الی صف  
 اولور لر و ابکی الای میانه بر مقدار مسافه قویوب الای  
 اول ایلر و یور و دیکه الای ثانی ان کوزه دوب یور  
 دشمن یوزینه یقلاشدیچه اصلا تفنک اتمز لر غایت ثانی  
 و سکون اوزن یور یوب صفار کمال تاسب و مساوات  
 اوزن اتصاف لری نه وادامت و اقامت لری نه غایت اهتمام ایدر لر  
 انجق ترمیته لری و سائر ساز لری صداسی ایشید یور الای  
 اول دشمن یوزینه قریب اولدقه صف اولده مرتب بیک تقر  
 آدم بیک تفنکی یک فتیلدن اتش ایدر لر و اول صف اولده  
 اولنر فی الحال دیزچوکوب یا کپرو چکلوب صف ثانی  
 در حال پرینه کچرو اول دخی یک فتیلدن بیک پان تفنکی اش

ایدوب

ایدوب صف ثالث پرینه کچر قائم اولور کد اربع و خامس  
 و سادس بری برلرینی تعاقب ایدر رک فاصله و برمز لر  
 و توفنک لری نی طولدر مقدمه مسارعت ایدر لر خصمک سرعتیه  
 هجومندن احتراز ایدوب قطعاً آرام و برمز لر و صفاری  
 منتظم اولمغه هر نه جانبه دونک اقتضا ایلسه فی الحال  
 دوز لر صفاری نظام لری محکم حفظ ایدوب حرکت ایدر لر  
 دیب آلا ی صفاری ایسه یونلره نظارت ایدر رک هر نه طرفه  
 ضعف و مغلوبیت کورسه لدر عقب بلا توقف قفادن امداد  
 ایدر لر مقتول لرینه بو محله قطعاً نظر ایتمز لر بر فردک بو ائشاده  
 اتاسنه و یا قرینداشنه یا پشمغه و یا بر بهانه ایله کپرو  
 چکلمک زهره سی یوق بو مقوله حرکته تصدی ایدر فی  
 ضابط بلا امان اورو ب قتل ایدر و قانونلر نده بویه لر کدی  
 هدر در بو وجهه اوزن بر طرف مغلوب اولدقه ینه فرمان  
 تشبث ایتمز لر ینه الا پلر صفار ینه مهمسا مکن استحکام  
 و یره رک کپرو چکلمک مباحثرت و دشمن ارا لر ینه کپرو ب  
 صفاری نظامنه خلل کلمه مکه عظیم تقید و اهتمام ایدر لر  
 و غالب اولان طرف دخی الای ترتیبی بوز میوب پراکنده الک  
 ایله دشمنی قومق سودا سنده اولما ز زرا الای ترتیب لری  
 مختل اولدوغی کبی قوت و مکنت لری مفصل اولوب



لاشی اولور لرو بال دفعات تجربه اولمشدر که غالب اولان  
طرف غالبیتنه مغرور انظامی بوزوب طرف مغلوب ایسه  
نظام اوزن بولمخله دونوب مغلوب ایکن غالب مطلق اولمشدر  
وجنگ میدانی کیمه قالسه غالب عد اولنوب غنیمت عد  
ایدر لرو جمله دن ملل کفارک عساکر عثمانیه نك جمله و هجومی  
منع ایچون تدارک ایلد کیری نظاملری فهم اولنور  
مع هذاینه طریق آخر ایله آلا پلرینه دخول و وصوله فنون  
حریبه مهره سی جواز کوسستروب دیر لکه دولت علیه  
عثمانیه قوت قاهره صاحبی اولوب انجم شمار عسکر تدارکنه  
قادر درجا نذر که دشمنک نظاملو عسکرینه تارشتو نظاملو  
عسکر تدارک ایدوب مجرد جمله و هجوم ایچون دیگر بر بلوک  
عسکر تدارک ایلد ککه نظاملو عسکر نظاملو عسکری  
مشغول قلد قده دیگر عسکر جمله و هجوم ایدوب طریق  
آخرده سهولت برله کفارا لاپلرینه داخل و واصل اولور  
واکرچه نظام عسکر نیچه نیچه شروط و قیودی مشتمل بر  
مستقل علمه افراغ اولمش و لکن مبداء فساد بو محلد مشهود  
و طریق ظفر و غلبه بو نظام و ترتیب خدعه سی علمه  
منوط و تدارکنه مربوط کوزنمکه بو محلد بو مقدارنی تسوید  
ایله اکتفا اولندی ینه ملوک و ملل نصارانک امور عالم

برله آشنالری استثناء مکمله لرنه علی طریق المباحثه  
و المناقشه دیر لکه عجباً دولت علیه عثمانیه جانبندن وارد  
جمله و هجومی دفع ایچون ملوک نصارانک تدارک ایلد کیری  
حیل حریبه لری نثبع و ملاحظه اولنوب ترتیب و نظام  
عدویه مقابل و محاذی ترتیب و نظامیله عسکر تجیه و تنظیم  
قلسه لراولور می و بوا مره بروقتنه رغبت و طرف دولتدن  
مباشرت حیز تصور میدر دیه ایراد ایلد کیرنه بعضیلری  
عناد اوزن مجبول اولملر بله عدم امکانه اولد و غنده اصرار  
بعضیلر حکیم مشرب اولوب جواز و امکانه ذاهب اولوب  
دیر لکه دولت علیه عثمانیه نك انجم شمار خلقی اولوب  
تجیه عسکره دائر بالجمله لوازم مساعد ایکن نصاری  
عسکرینه نظام و ترتیبه مقابل و محاذی بلکه اندن زیاده  
مشید الارکان و مؤکد البنیان نظام اوزن سکسن بیك  
عسکر همان برسنه ایچنده مجد داتدارک ایدر و یا سلاطین  
سالفه نك عسکره دائر قانونلرینی نثبع ایدوب احیا ایدر  
وقت و زمانه کون قصور و وایسه نکمیل ایدر بوندن قطع  
نظر حالا هر وقت و انده موجود بپشمار عسکر دن سوار  
و پیادگان اورته و یلو کیرنی نصارانک خدعه حریبه سی  
اولان نظام و ترتیبه مقابل و محاذی نظام و ترتیب جدید



ایله مرتب قلمق یعنی نصاری عسکرینه مقابل اورته وپلوکار  
نقرات وضا بطانی عددده مساوی و تفنگرینی دخی  
مساوی قلوب لباسلری دخی تنويع اولمق همان اوج  
دورت آی مد تنه محتاج در دیر لر بعضی لری ایسه سلاطین  
سالفه عثمانیه احوال اعدادن غافل اولیوب ضبط ممالک  
ایچون وضع قوانین لازم کلوب کذلک قواعد حکمت  
وشرعه مطابقت و عقل و فراست ایله دشمنه غلبه ده  
سهولت ایچون وضع ایلدکاری قانون حرب و اوجاقلری  
افراغ ایلدکاری صورت و طور و طرز لری ملوک نصارانک  
نظام جدید دیدکاری و اعتماد کلی برله استناد ایلدکاری  
قوانین حریه لرینه قات قات غالب اولوب حضرده  
و سفرده اہمال و نکاسل اولنمیوب کرکی کبی حفظ  
و مراعات اہتمام اولنسه لشکر نصاری عساکر اسلامک  
بوکونه شرع و قانون اوزر حرکتنه طاقت کتون مزیدی دیو  
اقرار ایدر لر و بوندن غیر ی دولت علیه عثمانیه نک جود  
و کرمی و باوجود عسکر طوایفنه معتاد انعام و بخشیشی  
و هر حال طیب و نوازش خاطر عسکر یله اہتمامی معمون  
آفاقه شهرت و السنه عالمک توا تر بولوب مجروح و علیلہ  
و پیر عاجزه پروجہ تقاعد کفایت مقداری معاش

تعیین

تعیین اولمق خاصه دولت علیه ابد اتصا لدر که دول  
سائر ده مثل سبقت ایتمه مش و حلا ملل نصاراده بوکا  
مشابه بروضع ظهور ایتمش در بوجمله مسامع عالمیانده  
مقرطو تغله ممالک نصارادن از زمان حلولند مراد اولند و غی  
مقدار مرتب عسکر و بوخدعه حریه نصاراده ماهر  
کمنه لجر و احضار اولمق همان بر صاحب تدبیرک ادنی  
ہمتنه موقوف در دیر لر فی الواقع اشاء سفردہ جاسوسلر  
توسطیله نصاری عسکرینک کوشارینه القا اولنسه کہ خدمت  
پادشاهی یه کلن قبول اولنور و کرک ضابطه کرک نفره  
معتاد نصاری اوزر اله کلدکاری علوفه قلیله نک طرف  
دولتدن اپکی قاتی و یریلور و بعدا محاربه ایام خالیه ده دخی  
قطع اولنمیوب محل مناسبه اسکان و فیما بینہم آیینلری  
اجرا سنه ممانعت اولنمازد یو بوکونه وعد لر ایله بچه سین  
بالک ضابطان و لشکر نصارانک اکثرین بوجانبه صید و جر  
اہلک امر سہلدر و بو طریق خدعه حریه دن معدود  
بو طریق مد و حد رحا ل بوکمه ملوک نصارانک بالجمله  
عسکر لری اچہ ایله طوتمه یوللو عسکر اولمغله قاعد  
مستحسنه دولت علیه اوزر دائم و ثابت اولور اسامیلری  
اولیوب فرصت بولد اچہ قاجوب التفات کوردکاری



دولتلك خدمتارینه کیدر لر مثال دولت علیه ابد قیامه  
قلیونلر ظهور نندن اول اق دکر سوا حلنده متمکن کفار بدکار  
قلیونلره مالک اولوب شردمه خاسرینک تسلطندن  
نه مرتبه ده زحمتلر و جمعیتلرینی منع و مضرتلرینی دفع ابلک  
امر نده نه کونه سعی و اهتماملر بزل اولمش معلوم و متواتر در  
قلله الحمد تدبیر اصابت پذیر مقارن نیله کفار سفینه لرینه  
و قلیونلرینه مقابل و محاذی سفینه لر و قلیونلر یا پلوب  
از مدت ایچنده دست تسلطلری دفع و رفع اولدوغندن  
غیری بعایت الله تعالی امر دو نهما حفظ الله عن القضا یا  
جمله یه غالب استعدادینه و روی دریا ده عذیم المثل کماله  
ایرشدی مأمولدر که دریا امری نظام پذیر اولدوغی کبی  
قره ده دخی عسکرک ترتیب و نظامنه ادنی اهتمام قلوب  
دشمن حیلله کارک فنون حربیه ده تشبث قیلدوغی ترتیب  
عسکر و جنک نظامی خدمه سی تتبع و ملاحظه قلوب  
اکامقابل و محاذی ترتیب و نظامه رغبت و با خصوص قوانین  
حربیه عساکر احیا و مراعات و بوا امر جلیله جد و اهتمام  
اولنسه زمان قلیلک کماله ایریشوب با خصوص که عسکر  
جنکجوی عثمانیانک کمال مرتبه ده ظاهر و نمایان اولان  
استعدادلری مقتضای سنجه یوفن غریبه جمله یه تفوق و تصدیر

ایلملری

ایلملری امر بدیهیدر زیرا بالذات و بالطبع نظامه قابلیت  
و استعداد عسکر اسلامه جمله یه غالب و بازوی مکنت  
و قدرت من کل الوجوه مساعد و حسن نظام و انتظام کمال  
انقیاد و امتثال قاید بر معنادن عبارت اولغله شرعا و قانونا  
اطاعت و انقیاد دخی علم حال اهل اسلام و فریضه ذمت  
اهل ایماندر مثال با جمله ملل انصاری ایچنده مسقو  
کفره سی بر ذلیل و زبیل و اعتباردن قالش بر طائفه  
حقارت آپین و خوش صفت اولوب هیچ بردشمن اتخاذا  
ایدنکه زهره لری و بر عسکر ایله مقاومتیه قدرتلری متصور  
دکل اپکن ملل سائر هنک دست تعدیسی خوفندن همان  
اقطار ارضدن بر جانبه و شدیدا لبر دو دائم الشتافرانلق  
مملکتلره چکیلوب صید و شکار طریقیه معاشه قناعت  
اتمشلر ایکن بکرمی و یا او توز سنه بوندن اقدام ایچارنده  
بر عاقل و داناچار نامندک ملکری ظهور و طوایف سائر هنک  
احواللرین و ترتیب و تنظیم عسکره و سیاست ناسه دائر  
قواعد و قانونلرینی تفتیش و تفحص قلوب فنون حربیه  
اسبابنه راغب و بو علمه ماهر ارباب هنری دیار آخردن صید  
و جرایدوب انلرک رای و تدبیر و اعانتلری ایله عسکرینی  
ترتیب و نظامنه میاشلر اولور و آزمندک کند و عسکرنده



بوفنی قوتدن فعله کتوروب اکابر ملوک نصاری عسکرلرینه  
مقابل و محاذی مرتب و منتظم عسکر پیدایلدی و براوچا  
سائر لرله مقاومته من کل الوجوه اقتدار حاصل ایلدی  
چارم قومی اگرچه کافر بدخلقت لکن بر نکبت قوی همت  
اولوب قره سی عسکرینی ملوک نصاری عسکرلرینک  
نظام و ترتیبیله منتظم و مرتب و تجهیز و تقویت قلدقه  
بومرئیه دخی قناعت اتمیوب بحریه دخی ملوکه تقلید  
وسائر له مساوات و موازنت حاصل ایلک ایچون بذل اموال  
ایله انکلتزه و ندرلانده و سائر ممالک ملوکن سفینه بناسی  
احوالنده ماهر استادلر جمع و احضار و کمال اهتمام ایله  
سفینه لره مدت مدیده زوال کلامک و فورتنه لرده نلاطم  
امواج دریاده شدتله تحمل و سائر لوازمده تقید و اهتمام  
برله و افر قلیون و چکدیری طرح و بنا ایدوب بحی بالطقه  
مثلی سبقت ایتدک بلکه اشد لمدک بردونمای احداث  
ایلدی و کذلک بحر خزهنوز سفینه و دونمادن  
و برکسنه ناک تصرفندن خالی بر دریا ایدوکن کوروب دریای  
مرقومه بر تقریبیله مالک و متصرف اولق سودا سیله عجمه  
تجارت هواسی بهانه سیله چارم قومی اول دریاده دخی  
سفینه لرترتیب و دونمای پیدا ایدوب مالک بحر خز

هنوانی

هنوانی نام بدنامنه تخصیص ایلدی بوندن غیری اطراف  
بلاددن مهندسلر کتوروب دریای مرقومک خفت و عمقنی  
مساحه و اطراف و کفافنی کشت کذار ایله حد و دجری  
معلوم ایدینوب بحریه شکل و صورتنی رسم و تصویر ایلدی  
ویوطر ز و طور ایله عجمستانه و طاغستانه دخی وضع ید  
ایدوب اول حوالیده نچه لرلی و ایللری قبضه تصرفنه  
کتوردی خلاصه مافی الباب هر حاله حسن نظام امور  
عظامک روحی مثابه سند اولوب فلاجرم هر امرک وجودی  
کندویه مخصوص نظامیله قوام و دوامه منوط و موقوف  
امور دولت و مهمام سلطنت دخی حسن نظام ضبط و ربط  
و سیاست ایله صورت تقویت و قیام و دوام اوزن متانت  
بولوب باخصوص حسن نظام عسکر اهم مهماندن تولد  
ایدن منافع لایحسی و لایعد اولدوغندن غیری لفظ نظام  
مرغوب اولدوغنی کی بوفنی غریب نظام عسکر ذاتنه دخی  
مرغوب و محبوب الطبع قوی الاعتماد برلندین علم اولوب  
منافع کثیره سندن همان بر مقدارینه صرف ذهن و توجه  
درون برله اطلاع حاصل اولسه شک و شبهه یوق که بالجمله  
سوار و پیادگان و اهل تیمار و زعماکال رغبت برله راغب  
اولدقلرندن غیری ولات ممالک و محافظان سرحد و سائر



وزرا و امرا و میرمیران اولنلردخی طالب بلکه قیو خلقارینی  
دخی نظام ایله منتظم قلمقدن دقیقه فوت ایتمزلردی و نیجه  
اصحاب خیرات اثار جمیله وضع و ایداعه رغبت ایدوب  
وقف مراد ایلدکری تقود و اشیا بی بو طریقہ صرف  
و عسکرینک اورتہ و باوکارینه شرط اتمکله تقویه و یرمکه  
طالب و راغب اولورلردی و فی نفس الامر اتفاق عقلای  
عالم بویله درکد دولت علیه نك خلقی بالذات و بالطبع نظام  
قبولی استعدادند جملة یه غالب اولوب اکر فنون حربیه  
نظامیله مفنن و اجر اسنه دقت و اهتمامه همت اولنسه  
اعدادن بر فردک بود دولت علیه ابد استمراریله مقصود متہ  
اقتداری قلیوب بلکه قبل الحریکة نیجه قلاع و بلادک  
مفتاحلرینی بالطوع و الرضاء بارکاه پادشاهی یه

کتوروب تسامینی مصباح

کوررلردی

تم التسمیة والطبع بعون الملك الوهاب علی يد الحقیر ابراهیم  
من متفرق کان درکاه عالی المأذون بعمل الطبع  
بدار الطباعة العامة في الیلة الطیبة  
قسطنطنیة فی واسط شعبان المعظم لسنة  
اربع و اربعین و مائة و الف

